

臨
證
指
掌

醫
因
案
評
本



道光甲辰仲冬

蘇州經鉏堂刊

涵菴題



夫事之最切於日用者
莫如醫故自軒岐道興
而靈素以下代有名人
歷有著述盧扁以後如
仲景所著傷寒金匱直

啓靈蘭之秘洩玉版之
文至若河間東垣丹溪
亦迥出凡流合仲景稱
爲四大名家傷寒暨雜
證之治療法云備矣世

咸宗之但仲景之書辭
義古奧雖經諸名家之
註疏亦未能盡晰其理
近代以來薛立齋張景
岳喻嘉言等皆本之靈

素或作或述其於諸證
皆有發明迨柯韻伯所
註傷寒能獨開生面惜
其書尙未廣行於世其
他則間有心悟闡揚亦

不能無偏執之弊矣我

皇上仁育爲懷命太醫院考

覈前賢精義彙輯金鑑

錄一書頒行海內集諸

賢之大成開後人之心

法壽世福民孰有善於
此哉夫醫者意也方者
法也神明其意於法之
中則存乎其人也父子
不相授受師弟不能使

巧也吳閻葉君天士稟
賦靈明造詣深邃其於
軒岐之學錯綜融貫處
方調劑立起沉痾故名
播南北所遺醫案與方

膾炙人口華君岫雲婆
心濟世輯而成帙別類
分門將付剞劂而請序
於余余繙閱再過實足
以啓迪後人使好學深

思者觸類引伸未必非
濟世之一助至進而求
其所以然彼靈素諸書
具在而心領神會則又
存乎其人也云爾

乾隆二十九年歲次甲
申秋七月旣望吳江李
治運題於太薇清署



醫之為道微矣七情六
氣之感病非一端溫涼
寒熱之性藥非一類非
天資高妙者不可以學
醫非博極羣書者亦不

足以悟醫也今之醫者
或記醜而不精於審脈
或審脈而不善於處方
或泥古而不化或師心
而自用或臨症不多或

狂於偏見不能已疾而
轉以益疾又烏可以言
醫哉吳門葉天士先生
天分後人於書無所不
讀終身不能忘其視脈

也。不待病者相告，徑而
推述病源。有病者思而
後得之者，不啻日周旋
於病者之側，而同其寢
興、飲食、孰、其喜、怒、驚、悲。

也蓋以其意深識病者
之意而又神明乎古人
處方之精意而直以意
斷之故其處方也一二
味不為少十餘味不為

多習見不妨從同獨用
不媿立異輕重繫於抄
忽之間而其效在乎呼
吸及數十年之後投之
所向無不如意迎刃而

解渙然冰釋先生之名
益高從遊者日益衆而
先生固無日不讀書也
嘗記余鄉人有患痼疾
者問詣先生所為處方

授之曰服此百劑終身
不復發矣其人歸服至
八十劑蓋已霍然者月
餘矣乃止不服逾年病
復發復詣先生所先生


曰是吾令服某方百劑
者何乃如是其人以實
告令再服四十劑即永
不散矣卒如言其神妙
矣是是豈俗手之意為

增損者可同年而後哉
今所存醫方若干卷皆
門弟子所錄存者學者
能讀其書以通其意則
善矣

乾隆丙戌嘉平錫山拙

脩嵇璜書於徇秋書

屋



吾吳葉天士先生以岐黃妙術擅名於
時者五十餘年凡一時得竒疾而醫藥
罔效者先生一診視而洞悉源委投以
斤劑沉痾立起遠近之向風慕義老無
間言余舊居胥江與葉氏世屬通家其
門墻桃李亦皆至戚舊交心神其術曰
錄其方案成帙藏之有年方欲公諸天

下今錫山華君岫雲為之分別門類授
之梓人余喜君之與余有同心也曰任
校讐編輯之役書既成君囑余書其緣
起夫良醫之功同良相人所稔知也然
良醫不能使其身壽同金石而屢試其
技於後人亦勢之無可如何者矣今得
同心者彙錄其成案而使後人有所取

法觀摩其功願不偉歟使後有能者得
是編而神明變化之則先生之遺澤流
被於千百世而無窮而先生不死矣今
曰是書之成爰書其大畧如左
乾隆歲次丙戌季秋李國華大瞻識



天地之大德曰生醫者贊天地之生者也上古三皇憫下民之
夫扎迺垂卦象以明陰陽消長之機辨氣味以審五行生尅之
理著靈素以立萬世醫學之原大哉至哉非懷胞與之仁慈稟
天亶之聖智者其孰能之軒岐以後亦代有明哲之士窮理致
知闡揚斯旨但理道淵深其奧難窺故雖懸壺之士如林而洞
垣之技罕覩苟有能不盛盛虛虛而遺人夭殃者則已幸矣近
代以來古吳有世醫天士葉君者學本家傳道由心悟吾鄉與
吳郡接壤猶憶曩時凡知交患證棘手瀕於危者一經調劑無
不指下回春其聲譽之隆不特江左一隅抑且名標列省惟是
應策多門刻無寧晷未遑有所著述以詔後世人皆爲之惋惜

近有岫雲華君購其日診方案欲付之梓以公諸世請序於余
余雖習醫有年愧未能深知醫理然觀其論證則援引羣書之
精義擬法則選集列古之良方始知先生一生嗜古攻研蘊蓄
於胸中者咸於臨證時吐露毫端此卽隨證發明之著作也其
於陰陽虛實標本格致之功實足以上紹軒岐下開來哲以此
行世凡醫林之士見之自必勤求古訓博採衆方迨將日造乎
高明庶不致臨證有望洋之歎則此帙實濟世之慈航也故爲
之序

乾隆丙戌仲秋錫山邵新甫題



古人有三不朽之事爲立德立功立言也蓋名雖爲三而理實一貫要之惟求有濟於民生而已夫有濟於民生則人之所重莫大乎生死可以拯人之生死雖草布之士亦力能爲者則莫若乎醫故良醫處世不矜名不計利此其立德也挽回造化立起沉疴此其立功也闡發蘊奧聿著方書此其立言也一藝而三善咸備醫道之有關於世豈不重且大耶故上古聖帝辨晰陰陽審嘗氣味創著內經垂不朽之仁慈開生民之壽域其大易本草靈素諸書炳若日星爲萬世不磨之典厥後亦代有名賢窮究其理各有著述開示後人以冀其躋仁壽無如後世習是業者其立志存心却有天理人欲之兩途如范文正公雖不

業醫而其所言不爲良相卽作良醫者斯純以利濟爲心者也
俗諺有云秀才行醫如菜作藿者此淺視醫道僅爲衣食之計
者也夫以利濟存心則其學業必能日造乎高明若僅爲衣食
計則其知識自必終囿於庸俗此天理人欲公私之判也故每
閱近代方書其中有精研義理發前人未發之旨者固多亦有
徒務虛名之輩輒稱與貴顯某某交遊療治悉屬險證如何尅
期奏效刊成醫案妄希行世不知此皆臨證偶爾倖功乃於事
後誇張虛語欺誑後人以沽名譽則其書誕謾不足信也噫欲
求遵嘉言喻氏遺法臨病先議證後立方其於未用藥之前所
定方案無一字虛僞者乃能徵信於後人但執此以繩世誠不

易多得也惟近見吳閬葉氏晚年日記醫案辭簡理明悟超象
外其審證則卓識絕倫處方則簡潔明淨案中評證方中氣味
於理脗合能運古法而仍周以中規化新奇而仍折以中矩察
其學誠蓋先生固幼稟穎絕之才衆所素稔然徒恃資敏若不
具沉潛力學恐亦未易臻此神化也惜其醫案所得無多不過

二三年間之遺帙每細心參玩祇覺靈機滿紙其於軒岐之學

太過

一如程朱之於孔孟深得夫道統之真傳者以此垂訓後人是
卽先生不朽之立言也故亟付剞劂以公諸世至其一生之遺
稿自有倍蓰於此箇中義理必更有不可思議者自必存在諸
及門處什襲珍藏尙未輕以示人也然吾知下氏之玉豐城之

劍其精英瑞氣斷不至於泯沒自必終顯於世只在先後之間
耳倘有見余是刻能悉將先生遺稿急續刻行世此豈非醫林
大不幸中之大快事抑亦病家之大幸事也諒亦必有同志者余將翹
企而望之因以為序

乾隆三十一年歲次丙戌季冬錫山華岫雲題



天用藥之道譬若用兵呼吸之間死生攸係固未易言也是以
軍有紀律方有法度時有進退事有成敗覘風雲之變識草木
之情其機至神又安可以小道視之哉余不敏竊慕范文正公
之論背師之人因師事吳門亮揆張先生先生乃葉氏門牆桃李也余因
得窺葉派之一斑觀其議病疏方動中窾綮所謂游夏之徒不

能贊一辭者也擬印葉師之妙諦以開後學之法門其有待於
他年乎由是歸而讀書不與塵事里有華君岫雲者好古之士
也過而與語甚洽遂出一編示余乃葉師之方案也問所從來
曰積數十年抄集而成其苦心濟世爲何如耶噫葉師之方案
至妙者不可勝數而散佚居多此其剩事耳然零珠碎玉歲久

田詩抄百醫集
彌湮秘而不傳將終失也請授之梓以惠當世華君然之余嘉其非業醫者而有是志於是乎書

皆

乾隆丙戌季冬錫城高梅題於響山書屋



凡例

一此案出自數年採輯。隨見隨錄。證候錯雜。若欲考一證。難於彙閱。余不揣固陋。稍分門類。但兼證甚多。如虛勞。欬嗽。吐血。本同一證。今各分門。是異而同也。卽如欬嗽。有虛實標本。六氣之別。今合爲一門。是同而異也。如暑濕而兼瘧痢。脾胃病而兼嘔吐腫脹。凡若此者。不可勝數。欲求分晰。至當不易。余本不業醫。且年已古稀。自謝不敏。耑俟高明之輩。翻刻改正。一一證之中。有病源各異。如虛勞有陰虛陽虛。陰陽兩虛之不同。若再分門。恐有繁冗之嘆。今將陰虛先列於前。繼列陽虛。繼陰陽兩虛。使觀者無錯雜之憾。餘門倣此。

一此案分門類時已剔去十之二三。今一門之中。小異而大同者。尚多。本應再爲剔選。但細閱之。小異處。卻甚有深意。故不敢妄爲去取。且如建中湯。麥門冬湯。復脈等湯。稍爲加減。治證甚多。若再爲刪削。不足以見先生信手拈來。頭頭是道。其用方變化無窮之妙矣。

一每閱前人醫案。治貧賤者少。蓋醫以濟人爲本。視貧富應同一體。故此案不載稱呼。僅刻一姓。與年歲如原案已失記者。則以一某字代之。至於婦女之病。年高者。但將一嫗字。中年者。以一氏字。年少用一女字。別之。然有本係婦女。而案中未輕註明者。甚多。不敢臆度。強爲分別。

無意處亦多

一醫道在乎識證立法用方。此爲三大關鍵。一有草率不堪爲
司命。往往有證旣識矣。卻立不出好法者。或法旣立矣。卻用
不出至當不易好方者。此謂學業不全。然三者之中。識證尤
爲緊要。若法與方。只在平日看書多記。如學者記誦之功。至
於識證。須多參古聖先賢之精義。由博反約。臨證方能卓
然定見。若識證不明。開口動手。便錯矣。今觀此案。其識證如
若洞垣。所用法與方。皆宗前賢。而參以己意。稍爲加減之。故
案中有並非杜撰之句。余願業醫者。於識證尤當究心。如儒
家參悟性理之功。則臨證自有把握。然後取此法與方用之。
必有左右逢源之妙矣。倘閱是書者。但撫拾其辭句。勦襲其

亦有杜撰處

近日此輩甚多
并有祇學其瑕
而盡棄其瑜者

方藥藉此行道爲覓利之計。則與余刻是書之一片誠心大相悖矣。幸後之覽者捫心自問。切勿墮落此坑塹。

一此案須知看法。就一門而論。當察其病情病狀脈象各異處。則知病名雖同而源不同矣。此案用何法。彼案另用何法。此法用何方。彼法另用何方。從其錯綜變化處。細心叅玩。更將方中君臣佐使之藥。合病源上細細體貼。其古方加減一二味處。尤宜理會。其辨證立法處。用硃筆圈出。則瞭如指掌矣。切勿草率看過。若但得其皮毛而不得其神髓。終無益也。然看此案。須文理清通之士。具虛心活潑靈機。曾將靈素及前賢諸書。叅究過一番者。方能領會此中意趣。吾知數人之中。

傷寒為萬病之首其六經現症不得混入諸門獨闕此一症想此老不長於傷寒故無獨開生面之一方也

僅有一二知音潛心默契若初學質魯之人未能蠟等而進

恐徒費心神耳

本朝之火症居多獨闕此症則不成書究之火症亦諸病皆有原不必另立一門也

一此案惟闕火證一門蓋火有七情六氣五志之不同證候不

一難於彙輯故竟不分門至於傷寒惟太陽初感風寒為甚

此病不能散見

少寒既化熱之後種種傳變之證散見諸門者頗多觀者自

能會意勿謂先生長於治離證短於治傷寒觀其用仲景諸

方活潑潑地即可以知其治傷寒之妙矣

一案中治法如作文之有平濃奇淡諸法悉備其用藥有極輕

清極平淡者取效更捷或疑此法僅可治南方柔弱之質不

能治北方剛勁之體余謂不然苟能會悟其理則藥味分量

或可權衡輕重。至於治法。則不可移易。蓋先生立法之所在。卽理之所在。不遵其法。則治不循理矣。南北之人。強弱雖殊。感病之由。則一也。其補瀉溫涼。豈可廢繩墨而出範圍之外乎。况姑蘇商旅雲集。案中豈乏北省之人哉。不必因其輕淡而疑之。或又曰。案雖佳。但未知當時悉能效否。余曰。萬事不外乎理。今案中評證。方中議藥。咸合於理。據理設施。自必有當。至於效與不效。安得人人而考覈之哉。

一案中有未經載明。難於稽考。處如藥味分量。炮製丸方煎方。相混。與所服劑數多寡。若平補之方。竟有連服百劑者。更有一人聯用幾方者。其間相隔日月遠近。併四季時令。俱未註

明。惜。皆。無。考。全。在。觀。者。以。意。會。之。可。也。

一。每。門。之。後。附。論。一。篇。者。因。治。法。頭。緒。頗。繁。故。挈。其。綱。領。稍。爲。敘。述。之。以。使。後。人。觀。覽。又。恐。業。醫。之。輩。文。才。有。淺。深。遂。約。同。志。措。辭。不。必。高。古。觀。者。幸。勿。因。其。俚。鄙。而。忽。之。

一。案。中。所。用。丹。丸。有。一。時。不。能。猝。辦。者。如。紫。雪。丹。至。寶。丹。鱉。甲。煎。丸。玉。壺。丸。等。類。若。有。豐。裕。好。善。之。家。依。方。虔。誠。合。就。售。與。病。人。既。可。積。德。亦。不。至。於。虧。本。

一。此。案。之。刻。不。過。一。轡。之。味。耳。本。欲。再。爲。購。求。廣。刻。行。世。奈。無。覓。處。倘。同。志。之。士。有。所。珍。藏。亦。願。公。諸。於。世。者。恭。俟。再。商。續。刻。然。此。案。雖。非。全。璧。實。具。種。種。良。法。已。足。啟。發。愚。蒙。嘉。惠。來。

茲。學。者。苟。能。默。契。其。旨。大。可。砭。時。醫。庸。俗。膚。淺。呆。板。偏。執。好。奇。孟。浪。膽。怯。諸。弊。其。於。醫。學。有。功。不。小。

一。凡。治。諸。證。俱。有。初。中。末。三。法。如。傷。寒。初。起。邪。在。太。陽。則。用。麻。黃。桂。枝。青。龍。等。湯。瘧。證。初。起。則。用。小。柴。胡。加。減。痢。證。初。起。先。用。胃。苓。湯。加。減。目。疾。初。起。則。用。柴。薄。荆。防。以。升。散。之。此。皆。初。治。之。大。略。也。今。就。所。輯。之。案。大。凡。治。中。治。末。者。十。居。七。八。初。治。者。不。過。十。之。一。二。其。故。何。歟。蓋。緣。先。生。當。年。名。重。一。時。延。請。匪。易。故。病。家。初。起。必。先。請。他。醫。診。視。迨。至。罔。效。始。再。請。先。生。耳。故。初。治。之。案。甚。少。觀。是。書。者。其。中。先。後。淺。深。層。次。不。可。紊。亂。須。細。心。審。察。而。行。之。

華岫雲識

臨證指南醫案總目

卷一 中風

肝風

眩暈

頭風

卷二 欬嗽

吐血

失音

肺痿

卷三 遺精

淋濁

陽痿

汗

卷四 積聚

痞

噎膈

噫噎

脫

脾胃

木乘土

腫脹

嘔吐

吐衄

不食

腸痺

便閉

肺痺

胸痺

哮

喘

呃

疽

疔

疔

疔

疔

卷五 風

寒

風溫

溫熱

暑

濕

燥

疫

癩痧疹癰

痰

痰飲

卷六

鬱

肝火

不寐

餽

三消

脾痺

瘧

瀉

卷七

痢

便血

脫肛

痿

痺

瘕厥

驚

癲癇

卷八

衄

疝

頭痛

心痛

胃脘痛

脇痛

腹痛

肩臂背痛

腰腿足痛

諸痛

耳

目

無此病名

鼻

牙

咽喉

瘡瘍

卷九

調經

淋帶

崩漏

胎前

產後

癥瘕

熱入血室

卷十

幼科要略

痧疹

痘

疔

吐瀉

癰疽厥

虫

集方

臨證指南醫案卷一

許關李天瞻翰圃

古吳葉桂天士先生著

錫山華南田岫雲同較

邵銘新甫

中風

錢

此方牛膝、並、用、補熱之弊
偏枯在左血虛不榮筋骨內風襲絡脈左緩大

製首烏 四兩 烘

枸杞子 二兩 去蒂

歸身 二兩 用獨枝者去梢

淮牛膝 二兩 蒸

明天麻 二兩 麩煨

三角胡麻 二兩 打碎水洗十次烘

黃甘菊 三兩 水煎

川石斛 四兩 水煎

小黑豆皮 四兩 煎

案中著點者標肝腎虛
出病症所在與內風動
方之合否相對
方合者圈不合者豎

若近日耳食之
輩則必用熟地
此老何曾有此

近日耳食之人
必用此方作煎
劑矣大誤

用三汁膏加蜜丸極細早服四錢滾水送

陳四十歲肝血腎液內枯陽擾風旋乘竅大忌風藥寒涼

炒杞子

桂圓肉

炒菊花

炙黑甘草

黃芪 去心

牡蠣

此方略偏補

更當兼用四藥

金

失血有年陰氣久傷復遭憂悲悒鬱陽挾內風大冒

血舍自空氣乘於左口喎肢麻舌暗無聲足痿不耐行

走明明肝腎虛餒陰氣不主上承重培其下冀得風熄

議以河間法

酸味治下無大害然口喎舌暗尚有邪亦宜兼顧更當服前方治上

熟地 四兩

牛膝 一兩半

萸肉 二兩

遠志 一兩半 炒黑

杞子 二兩

菊花 二兩 炒

五味 一兩半

川斛 二兩 四錢

痺中不痺

夜盧風

茯神 二兩

淡菴蓉乾 二錢

加蜜丸服四錢

沈四十脈細而數。細為臟陰之虧。數為營液之耗。上年夏

秋病傷。更因冬暖失藏。入春地氣升。肝木風動。遂令右

肢偏痿。舌本絡強。言蹇。都因根蒂有虧之症。庸俗世氣

降痰發散。攻風再劫。真陰漸漸神憤如寐。倘加昏厥。將

何療治。議用仲景復脈法。復脈湯去薑桂。

又 操持經營。神耗精損。遂令陰不上朝。內風動躍。為痺

中之象。治痰攻劫溫補。陰愈損傷。枯槁日甚。幸以育陰

熄風小安。今夏熱益加發泄。真氣更虛。日餌生津益氣

勿怠。大暑不加變動。再商調理。固本丸去熟地加北味。

此症宜心腎同治而治心之藥為主

擬方

半夏 茯神
人參 益智
棗仁 甘菊
龍齒 天麻
麝香

陽升熱
蒸液腐

盧

天冬

生地

人參

麥冬

五味

金九初起神呆遺溺老人厥中顯然數月來夜不得寐是

陽氣不交於陰勿謂痰火專以攻消乃下虛不納議與

潛陽

此方治下交安但必當有治上之方不可缺也

龜腹甲心

熟地炭

乾菴蓉

天冬

生虎脰骨

淮牛膝

炒杞子

黃柏

噴怒動陽恰值春木司升厥陰內風乘陽明脈絡之

虛上凌咽喉環遶耳後清空之地升騰太過脂液無以

營養四末而指節為之麻木是皆痺中根萌所謂下虛

上實多致巔頂之疾夫情志變蒸之熱閱方書無苓連

難經云肝者乙角也庚之柔明指肺金為剛而木為柔今云剛臟未知何出

苦降羌防辛散之理肝為剛臟非柔潤不能調和也。

鮮生地

元參心

桑葉

丹皮

羚羊角

連翹心

方甚清淡可喜

又

生地

阿膠

牡蠣

川斛

知母

陰中陽虛

汪五

左肢麻木。膝蓋中牽縱忽如針刺。中年後精血內虛。

虛風自動。乃陰中之陽損傷。

統是養血驅風之品

淡芙蓉乾

二兩

枸杞

二兩

歸身

二兩

生虎骨

二兩

沙苑

二兩

巴戟天

二兩

明天麻

二兩

桑寄生

四兩

精羊肉膠阿膠丸早服四錢交冬加減用人參丸服

錢五用力努掙精從溺管瀝出已經兩耳失聰腎竅失司

陰陽並虛

右中風

卷一 中風

三

顯然虛象。凡腎液虛耗。肝風鳴張。身肢麻木。內風暗襲。多有痲中之累。滋液熄風。溫柔藥涵養肝腎。經言肝為剛臟。而腎臟惡燥。若攻風劫痰。捨本求末矣。

常用生地
熟地

枸杞

菴蓉

石菖蒲

當歸

沙苑

巴戟

遠志

張九中風以後。肢麻言蹇。足不能行。是肝腎精血殘。憊虛風動。絡下寒。二便艱阻。凡腎虛忌燥。以辛潤溢藥。

菴蓉

枸杞

當歸

柏子仁

牛膝

巴戟

川斛

小茴

東五中絡舌暗不言。痛自足起。漸上麻木。臍脹已屬痲疾。

中臟則舌不能

言此為金匱之
文也

此當扶正托邪
豈五味蠻補病
發不治矣

陽虛衛
疎

胃虛表
疎

衛虛絡
痺

參苓益氣兼養血絡。僅堪保久。

人參

茯苓

白朮

枸杞

當歸

白芍

天麻

桑葉

周

大寒土旺節候。中年勞倦。陽氣不藏。內風動越。令人

麻痺肉。瞶心悸。汗泄煩躁。乃裏虛欲暴中之象。議用封

固護陽為主。無暇論及痰飲他歧。

補作痰飲奈何當
兼顧也

人參

黃芪

附子

熟朮

某

陽明脈絡空虛。內風暗動。右肩胛及指麻木。

玉屏風散加當歸天麻童桑

俞氏

寡居一十四載。獨陰無陽。平昔操持有勞無逸。當夏

四月陽氣大泄主令忽然右肢麻木如墮不舉汗出麻冷心中卒痛而呵欠不已大便不通診脈小弱豈是外感病象似乎痲中其因在乎意傷憂愁則肢廢也攻風劫痰之治非其所宜大旨以固衛陽為主而宣通脈絡佐之

桂枝方寸切病

附子

生黃芪

炒遠志

片薑黃

羌活

氣虛

唐六男子右屬氣虛麻木一年入春口眼歪邪乃虛風內

動老年力衰當時令之發泄不得用風藥則可忌投風藥宜以固衛益氣

人參

黃芪

白朮

炙草

廣皮

歸身 天麻 煨薑 南棗

凡中風症有肢體緩縱不收者皆屬陽明氣虛當用亦不盡然

人參為首藥而附子黃芪炙草之類佐之若短縮牽

攣則以逐邪為急 凡弛緩之症俱屬風痰

風陽燥熱

胡五 陽明脈絡已空厥陰陽氣易逆風勝為腫熱久為燥

面熱喉舌乾涸心中填塞無非陽化內風胃受衝侮不

飢不納矣有年久延頗慮瘵中

此方清和可用

羚羊角 連翹 丹皮 黑山梔

青菊葉 元參 花粉 天麻

胃虛陽升

張七 瘵中經年眩暈汗出陽氣有升無降內風無時不動

此竟夜不寐。屬衛陽不肯交於營陰矣。沉痾之症。循理
按法。尚難速效。紛紛亂藥。焉望向安。議用固陽明一法。

此當兼用陰藥。不得專于補陽。

桂枝木

生黃芪

川熟附

炒遠志

龍骨

牡蠣

薑

棗

劉三神傷思慮則肉脫。意傷憂愁則肢廢。皆痿象也。緣高
年陽明脈虛。加以愁煩。則厥陰風動。木橫土衰。培中可
效。若窮治風痰。便是劫爍。則謬。

此方調中而仍加風藥。不似前之蠻補矣。

黃芪

於朮

桑寄生

天麻

白蒺藜

當歸

枸杞

菊花汁

加蜜丸

包 老年隆冬暴中。乃陰陽失交。本病脈左大右濡。內風

肝胃同治

掀越中陽已虛第五日已更衣神憊欲寐宗三先生議

陽明厥陰主治法以候裁

此方頗平穩但煎非陽明厥陰藥

人參

茯苓

白茯苓

炒半夏

炒杞子

甘菊

某陽明虛內風動右肢麻痺痰多眩暈

天麻

鈎藤

半夏

茯苓

廣皮

胞絡熱邪阻竅

沈風中廉泉舌腫喉痺麻木厥昏內風亦令阻竅上則

語言難出下則二便皆不通調考古人呂元膺每用芳

香宣竅解毒勿令壅塞致危也至寶丹四丸勻四服

葛三年未四旬肌肉充盈中病二年猶然舌強言蹇舌厚

凡治厥陰皆以通竅為急

邊紫而納食便溺仍好。乃心胞絡間久積之熱瀰漫。以致機竅不靈。平昔酒肉助熱動風爲病。病成反聚於清空之絡。醫藥之治痰治火直走腸胃。是以久進多投無效。至寶丹。

風濕中
脾絡

程

脈濡無熱。厥後右肢偏痿。口喎舌歪。聲音不出。此陰風濕晦中於脾絡。加以寒滯湯藥。蔽其清陽。致清氣無由展舒。法宗古人星附六君子湯。益氣仍能攻風祛痰。若曰風中廉泉。乃任脈爲病。與太陰脾絡有間矣。

人參

茯苓

新會皮

香附汁

南星

薑汁炒

竹節白附子

薑汁炒

又灸絡熱

呂五陽邪襲經絡而為偏痺血中必熱艾灸反助絡熱病劇廢食清涼固是正治然須柔劑不致傷血且有熄風

功能 方論俱佳

犀角

羚羊

生地

元參

連翹

橘紅

膽星

石菖蒲

脫

楊中後不復交至節四日寒戰汗泄遂神昏不醒是陰

陽失於交戀真氣欲絕有暴脫之慮擬進回陽攝陰法

人參

乾薑

淡附子

五味

猪膽汁

又 人參 三錢

附子 三錢

此方用於寒戰汗泄者尚宜若一轉關即當易方也

又 人參

附子

五味

龍骨

牡蠣

腎陰虛
肝風動

五厥症。脈虛數。病在左軀。腎虛液少。肝風內動。為病偏

枯。非外來之邪。

製首烏

生地

杞子

茯神

明天麻

菊花

川斛

徐四水。虧風動。舌強肢麻。中絡之象。常通補下焦。復以清

上。

熟地

淡菴蓉

杞子

牛膝

五味

遠志

羚羊角

茯苓

麥冬

菖蒲

蜜丸

丁

大寒節。真氣少。藏陽挾內風。旋動以致痺中。舌邊赤。

中有苔滯。忌投攻風劫痰。益腎涼肝。治本為法。

生地

元參

麥冬

川斛

遠志

石菖蒲

蔗漿

此方補而不滯

曾五脈弦動眩暈耳聾行走氣促無力肛痔下垂此未老

欲衰腎陰弱收納無權肝陽熾虛風蒙竅乃上實下虛之象質厚填陰甘味熄風節勞戒飲可免仆中

虎潛去鎖陽知母加大肉菴蓉煉蜜丸

張脈細小帶弦冬季藏納少固遂至痺中百餘日來諸

患稍和惟語言欲出忽塞多言似少相續此皆腎脈不

營舌絡以致機竅少宣乃虛象也早用地黃飲子煎法

非風痰卒中此方治之

以治下。晚用星附六君子以益虛宣竅。

某嫗

今年風木司天。春夏陽升之候。兼因平昔怒勞憂思。

以致五志氣火交併於上。肝膽內風鼓動盤旋。上盛則下虛。故足膝無力。肝木內風壯火乘襲胃土。胃主肌肉。脈絡應肢。遶出環口。故唇舌麻木。肢節如痠。固為中厥之萌。觀河間內火召風之論。都以苦降辛泄。少佐微酸。最合經旨。折其上騰之威。使潛空諸竅。毋使濁痰壯火蒙蔽。乃暫藥權衡也。至於顧養工夫。寒暄保攝。尤當加意於藥餌之先。上午服。

金石斛

三錢

化橘紅

五分

白茯苓

二錢

眞北秦皮

一錢

丸方亦清潤不膩

草決明二錢

冬桑葉一錢

嫩鈎藤一錢

生白芍一錢

又

前議苦辛酸降一法。肝風胃陽已折其上引之威是

諸症亦覺小愈。雖曰治標正合歲氣節候而設。思夏至

一陰來復。高年本病預宜持護。自來中厥最防於暴寒

驟加致身中陰陽兩不接續耳。議得攝納肝腎真氣補

益下虛本病

丸製熟地

先用水煮半日。徐加醇酒砂仁再煮一日。曬乾再蒸如法。九次乾者炒存性。八兩

肉苳蓉

用大而黑色者去甲切片。盛竹籃內。故長流水中浸七日。曬乾以極淡為度。四兩

主虎膝骨

另搗碎

淮牛膝

鹽水蒸

製首烏

四兩

川葶藶

鹽水炒

川石斛

熬膏

赤白茯苓

四兩

柏子霜 二兩 右藥照方製末。另用小黑穠豆皮八

兩煎濃汁法丸。每早百滾水服三錢。

議晚上用健中運痰兼制亢陽火動風生。從外臺茨

荅飲意。

人參 二兩 熟半夏 二兩 茯苓 四兩 廣皮肉 二兩

川連 一兩 薑汁炒 枳實 二兩 明天麻 二兩 鈞藤 三兩

白蒺藜 雞子黃拌煮洗 地栗粉 二兩

右末用竹瀝一杯薑汁十匙法丸。食遠開水服三錢。

又 近交秋令燥氣加臨。先傷於上。是為肺燥之咳。然下

焦久虛厥陰。遶咽少陰。循喉。往常口燥舌糜。是下虛陰。

火泛越。先治時病燥氣化火。暫以清潤上焦。其本病再議。

白扁豆

勿研 三錢

玉竹 三錢

白沙參

二錢

麥冬

去心 三錢

甜杏仁

去皮尖勿 研二錢

象貝母

去心勿 研二錢

冬桑葉

一錢

捲心竹葉

一錢

洗白糯米七合清湯煎

又 暫服煎方。

北沙參

三錢

生白扁豆

二錢

麥冬 三錢

乾百合

一錢

嗽症是此人所不知

白茯苓

一錢 半

甜杏仁

去皮尖 一錢半

又

痰火上實清竅為蒙於暮夜兼進清上方法。

麥冬能開肺數亦人所不知

麥冬

八兩

天冬 四兩

苡米 八兩

柿霜

四兩

長條白沙參 八兩 生白扁豆皮 八兩 甜梨汁 二觔

甘蔗漿 二觔 水熬膏 真柿霜收 每服五錢 開水送下

又 夏熱秋燥 陽津陰液更傷 口齒咽喉受病 都屬陰火

上乘氣熱失降 使然進手太陰 清燥甘涼 方法甚安 其

深秋初冬 調理大旨 以清上實下 則風熄液潤 不致中

厥至冬至 一陽初復 再議 此方甚無法非一言所能盡

不入藥 燕窩菜 洗淨另熬 甜梨 去皮核 絹袋絞 人參 另熬收

膏一觔 九製熟地 水煮 天冬 去心 蒸 麥冬 去心 黃芪皮 生用

炙黑甘草 二兩 五味 二兩 雲茯神 三兩

又 左關尺脈獨得動數多 語則舌音不清 麻木偏著 右

般。心中熱熾難以鳴狀。此陽明脈中空之。而厥陰之陽。挾內風以糾擾真氣。不主藏聚。則下無力以行動。虛假之熱上泛。為喉燥多咳。即下虛者上必實。意冬至後早服方。從丹溪虎潛法。

九製熟地 照前法製八兩

肉苁蓉 照前製四兩

天冬 去心蒸烘四兩

當歸 炒焦二兩

生白芍 二兩

川斛 熬膏八兩

黃柏 鹽水炒二兩

淮牛膝 鹽水蒸三兩

右為末。另用虎骨膠三兩。溶入蜜。

搗丸服五錢。滾水送。

又 太太諸恙向安。今春三月。陽氣正升。肝木主乎氣候。

肝為風臟。風亦屬陽。卦變為巽。兩陽相合。其勢方張。內

風挾陽動旋。脂液暗耗而麻痺不已。獨甚於四肢者。風淫末疾之謂也。經云風淫於內。治以甘寒。夫痰壅無形之火。火灼有形之痰。甘寒生津。痰火風兼治矣。

天冬 四兩

麥冬 八兩

長白沙參 八兩

明天麻 四兩 煨

白蒺藜

照前製 四兩

甜梨汁 一

蘆根汁 用八兩

流水者可

青蔗漿

一

鮮竹瀝

八兩

柿霜

四兩

先將二冬沙

參天麻白蒺藜加泉水煎汁濾過配入四汁同熬成膏

後加柿霜收每日下午食遠服五錢百滾水調服

又

下虛上實君相火亢水涸液虧多有暴怒跌仆之虞

此方滋液救焚使補力直行下焦不助上熱議鉄囊中

此方皆唐以前風之良法與前大不相

人參茯苓當與
 生地白蜜同煎
 不用秋石而用
 沉香琥珀古方
 如此今俱改其
 法甚為不妥從
 古為妙今則大
 矣製方之義矣

先生瓊玉膏方

鮮生地水洗淨搗自然汁二觔綿紙濾清隨和入生
 白沙蜜一觔另置一鉛罐或圓鉛毬盛前藥封堅固
 用鐵鍋滿盛清水中做井字木架放罐在上桑柴火
 煮三晝夜頻紙水不可住火至三日後連器浸冷水
 中一日頃取出入後項藥

人參

蒸烘研細末六兩

白茯苓

蒸研粉六兩

不合法真秋石

銀罐內煨候冷研一兩

三味拌入前膏如乾豆沙樣收貯小口磁瓶內扎好
 勿令洩氣每早百滾水調服五六錢

又
 立冬後三日診得左脈小弦動數右手和平略虛問

得春夏平安。交秋後有頭暈。左目流淚。足痿無力。不能行走。舌生紅刺。微咳有痰。此皆今年天氣大熱已久。熱則真氣泄越。虛則內風再旋。經言痿生大熱。熱耗津液。而舌刺咳嗽流淚者。風陽升於上也。上則下焦無氣矣。故補肝腎以攝納腎氣為要。而清上安下。其在甘涼。不傷脾胃者宜之。

製首烏 四兩 杞子 炒一兩半 天冬 去心二兩 菴蔚子 蒸二兩

黃甘菊 一兩半 黑檜豆皮 二兩 茯苓 蒸二兩 川石斛 熬膏八兩

虎骨膠 二兩 水溶 右末以川斛膏同溶化。虎骨膠搗丸。

早上滾水服三四錢。

扁豆生用清肺
熟用補脾向有
此說然終宜炒
用

又 久熱風動。津液日損。舌刺咳嗽。議以甘藥養其胃陰。

老年納穀為寶。

生扁豆 四兩

麥冬 四兩

北沙參 三兩

天花粉 二兩

甘蔗漿 十二兩

柿霜 二兩

白花百合 四兩

熬膏加飴

糖兩許每服時滾水調服三四錢晚上服

又 液燥下虧。陽挾內風。上引陰不上承。舌絡強則言蹇。

氣不注脈則肢痿乏力步趨。凡此皆肝腎臟陰本虛。鎮補之中微逗通陽為法。以臟液虛不受純溫藥耳。

水製熟地 四兩

阿膠 二兩

女貞實 二兩

稽豆皮 二兩

淡肉菴蓉 一兩

茯神 二兩

旱蓮草 二兩

川石斛 三兩

用精羯羊肉膠為丸早上滾水服四五錢

又 暫服煎方。

生地

沙參

菟蔚子

黑穉豆皮

川斛

牛膝

又 晚服丸方。

九蒸桑葉八兩 三角胡麻四兩 九製首烏三兩 白茯神三兩

人參二兩

炙甘草一兩

酸棗仁二兩

苡仁二兩

右為末桂圓肉三兩煎湯法丸每服三錢百滾水下

又 今年天符歲會上半年陽氣大泄見病都屬肝胃以

厥陰為風臟而陽明為盛陽耳陰陽不肯相依勢必暴

來厥中。過大暑可免。以暑濕大熱。更多開泄。致元氣不為相接耳。然此本虛標實。氣火升騰。所致經旨。以苦寒。鹹潤酸泄。少佐微辛為治。議進補陽明。泄厥陰法。

人參 一錢

生牡蠣 五錢

生白芍 二錢

烏梅肉 四分

川黃連 鹽水炒 六分

熟半夏 醋炒 清水漂洗 一錢

上午服

方丸

人參 二兩

茯苓 三兩 生

鹽水炒黃連 五錢

半夏 醋炒 水洗 一兩半

鹽水炒廣皮 二兩

枳實 麩炒 一兩半

白蒺藜 雞子黃製 一兩半

生白芍 一兩半

烏梅肉 蒸 一兩

為末。竹瀝法丸。早上服三錢。百滾湯下。

又 夏月進酸苦泄熱。和胃通隧。為陽明厥陰治甚安入。

以上諸方清和
平淡不失古人
之法何以竊咄
葉氏及道聽塗
說者俱與相反
此老當舍寬地
下矣

秋涼爽。天人漸有收肅下降之理。緣有年下虧木少水
涵相火內風旋轉薰灼胃皖逆冲為嘔舌絡被薰則絳
赤如火消渴便阻猶剩事耳。凡此仍屬中厥根萌當加

慎靜養為宜。

凡治此等症必兼驅風消痰方有出路一
味滋補中病而不能去病不可不知也

生雞子黃

一枚

阿膠

一錢半

生白芍

三錢

生地

三錢

天冬

去心一錢

川連

生一分

上午服

又 心火亢上皆為營液內耗先以補心湯理心之用。

人參

同煎一錢

川連

水炒六分

犀角

二錢

元參

二錢

鮮生地

五錢

丹參

一錢

捲心竹葉

一錢

又 苦味和陽脈左頗和但心悸少寐已見營氣衰微做

金匱酸棗仁湯方。仍兼和陽。益心氣以通肝絡。

酸棗仁 炒黑勿研五錢

茯神 三錢

知母 一錢 川芎 一分

人參 六分 同煎 天冬 去心 一錢

陳

脈左數右弦緩有年形盛氣衰冬春之交真炁不相

維續內風日熾左肢麻木不仁舌歪言蹇此屬中絡調

理百日戒酒肉可望向愈

羚羊角

陳膽星

丹皮

橘紅

連翹心

石菖蒲

鈎藤

川斛

又

羚羊角

元參

連翹

花粉

川貝母

橘紅

竹瀝

裕 痰火阻

又丹溪云麻為氣虛本是濕痰敗血診左脈濡滑右年
偏枯是氣血皆虛方書每稱左屬血虛右屬氣虛未必
盡然。

人參

治五少加風藥

半夏

廣皮

茯苓

歸身

白芍

炙草

桑枝

又經絡為痰阻大便不爽昨日跌仆氣亂痰出甚艱轉
方以宣經隧。

炒半夏

石菖蒲

廣橘紅

茯苓

膽星

枳實

竹瀝

薑汁

葉

初春肝風內動眩暈跌仆左肢偏痿舌絡不和呼吸

不爽。痰火上蒙。根本下衰。先宜清上。痰火。

羚羊角

茯苓

橘紅

桂枝

半夏

鬱金

竹瀝

薑汁

又

風熱燦筋骨為痛。痰火氣阻。呼吸不利。

照前方去鬱金。竹瀝。薑汁。加白蒺藜。鈎藤。

又

炒半夏

茯苓

鈎藤

橘紅

金石斛

石菖蒲

竹瀝

薑汁

又

人參

半夏

枳實

茯苓

橘紅

蒺藜

竹瀝

薑汁

風為百病之長。故醫書咸以中風列於首門。其論症。

則有真中類中。中經絡血脈臟腑之分。其論治。則有
攻風劫痰。養血潤燥。補氣培元之治。蓋真中雖風從
外來。亦由內虛。而邪得以乘虛而入。北方風氣剛勁。
南方風氣柔和。故真中之病。南少北多。其真中之方。
前人已大備。不必贅論。其類中之症。則河間立論云。
因煩勞則五志過極。動火而卒中。皆因熱甚生火。東
垣立論。因元氣不足。則邪湊之。令人殭仆。卒倒如風
狀。是因乎氣虛。而丹溪則又云。東南氣溫多溼。由溼
生痰。痰生熱。熱生風。故主乎溼。三者皆辨明類中之
由也。類者偽也。近代以來。醫者不分真偽。每用羌防

星半。烏附細辛以祛風豁痰虛症實治。不啻如枘鑿
 之殊矣。今葉氏發明內風乃身中陽氣之變動。肝為
 風臟。因精血衰耗。水不涵木。木少滋榮。故肝陽偏亢。
 內風時起。治以滋液熄風濡養營絡補陰潛陽如虎
而方非
 潛固本復脈之類是也。若陰陽並損無陰則陽無以
此二方不是治類中。竟足治虛矣。河間立
 化故以溫柔濡潤之通補如地黃飲子還少丹之類
方之。意本為腎虛之至四肢。不收有似中風。恐人誤認作真中風。故以此方
 是也。更有風木過動中土受戕不能禦其所勝如不
孰知後。人反以治真中風。豈不大謬。
 寐不食衛疎汗泄飲食變痰治以六君玉屏風茯苓
 飲酸棗仁湯之屬。或風陽上僭痰火阻竅神識不清
 則有至寶丹芳香宣竅。或辛涼清上痰火法雖未備

實足以補前人之未及。至於審症之法。有身體緩縱。

不收耳聾目瞽。口開眼合。撒手遺尿。失音鼾睡。此本。

實先撥陰陽樞紐不交。與暴脫無異。並非外中之風。

若有外邪。恐無愈日矣。

乃純虛症也。故先生急用大劑參附。以回陽。恐純剛。

難受。必佐陰藥。以挽回萬一。若肢體拘攣。半身不遂。

口眼喎邪。舌強言蹇。二便不爽。此本體先虛。風陽夾。

痰火壅塞。以致營衛脈絡失和。治法急則先用開關。

山○參○是○氣○血○。

繼則益氣養血。佐以消痰清火。宣通經隧之藥。氣充。

血盈。脈絡通利。則病可痊愈。至於風痺風懿風痺癱。

瘰。乃風門之兼症。理亦相同。案中種種治法。余未能。

盡宣其理，不過略舉大綱，分類敘述，以便後人觀覽。
餘門倣此。華岫雲

凡風淫所勝之病，自內經以及唐宋名家，皆以辛涼甘寒爲本，而佐以驅風益血之藥。至河間有地黃飲子之法，此乃治腎虛痲症有類中風，並非以此方治中風之急症。乃近日諸醫遇中風之症，總以人參附桂爲開手第一方。輕者不起，重者立斃。問所從來，曰本之葉先生。余始亦信其說，果從葉氏出，私擬以爲此翁造此惡孽，將來必有惡報。及閱此書，乃知此翁學有淵源，心思靈變，與前人所論分毫不背。其人參亦於病勢已退後，用以培元養氣，當病甚

時必於驅風之藥同用其分兩亦不過幾分至錢無不中
度乃今之竊附其門牆盜取其餘論者事事相反此翁有
知能無痛恨而以此等邪說誣此翁以害人者對此書能
愧死

肝風

肝陰虛

某 內風。乃身中陽氣之動變。甘酸之屬宜之。

生地 阿膠 牡蠣 炙草 萸肉炭

王 陽挾內風上巔。目昏耳鳴不寐。肝經主病。

既云有風何得再用酸欬

熟地炙 炙龜甲 萸肉 五味

磁石 茯苓 旱蓮草 女貞子

曹三 辛寒清上。頭目已清。則知火風由臟陰而起。剛藥必

不見效。緩肝之急。以熄風滋腎之液。以驅熱。治法大旨

如此。

為藥之酸即於
風病無害同一
酸也各有所宜
熟讀本草自知
之

生地

阿膠

天冬

元參

川斛

小黑豆皮

陳四操持煩勞。五志陽氣。挾內風。上擾清空。頭眩耳鳴。目

珠痛。但身中陽化內風。非發散可解。非沉寒可清。與六

氣火風迴異。用辛甘化風方法。乃是補肝用意。

枸杞子

桂圓肉

歸身

炙草

甘菊炭

女貞子

此方並無化風之品

陸二四肝風陽氣。乘陽明之虛。上冒。牙肉腫痛。議和陽熄風。

生地

阿膠

牡蠣

天冬

茯神

川斛

旱蓮草

女貞子

凌交節病變。總是虛症。目泛舌強。脊背不舒。溲淋便瀉。皆腎液不營。肝風乃張。當宗河間濁藥。輕服名曰飲子。

熟地五錢

鹹菴蓉八錢

炒杞子三錢

麥冬二錢

雲苓一錢半

川石斛三錢

生沙苑一錢

石菖蒲一錢

遠志肉四分

飲子煎法

胡緩肝潤血熄風

製首烏 杞子

歸身

冬桑葉

三角胡麻

柏子仁 茯神

天冬

黑穠豆皮

蜜丸

某

高年水虧。肝陽升逆。無制兩脇熱熱如熱。則火升面

赤。遇煩勞為甚。宜養肝陰和陽為法。

九蒸何首烏 四兩

九蒸冬桑葉 三兩

徽州黑芝蔴 三兩

小黑稽豆皮 三兩

巨勝子 二兩 即胡麻

浸淡天冬 去心 一兩

真北沙參 二兩

柏子仁 一兩半 去油

雲茯苓 二兩

女貞實 二兩

右為末青菓汁法丸早服三錢開水送

張氏 肝陽虛風上巔頭目不清陽明脈空腰膝痠爽議養

血熄風

菊花炭 好奇 熟首烏

牛膝炭

枸杞子炭

黑稽豆

茯神

此等方不能去病

肝腎陰虛

沈

衝氣左升當鎮肝攝腎

地黃

阿膠

萸肉

淡菜

茯苓

丁^四因縈思擾動五志之陽。陽化內風。變幻不已。夫陽動^三莫制。皆臟陰少藏。自覺上實下虛。法當介以潛之。酸以收之。味厚以填之。偏寒偏熱。烏能治情志中病。

熟地 萸肉 五味 磁石 茯神

青鹽 鼈甲膠如奇 龜版膠 即溶膠為丸純陰之方不能運化

朱^嫗心中熱辣寤煩不肯寐。皆春令地氣主升。肝陽隨以

上擾。老年五液交枯。最有癩瘵之慮。

生地 阿膠 生白芍 天冬 茯神

小黑稽豆皮

程^氏伏暑深秋而發。病從裏出。始如瘧狀。熱氣逼道營分。

經事不當期而來。舌光如鏡。面黯青晦。而胸痞隱痛。正氣大虛。熱氣內閉。况乎周身皆痛。衛陽失和。極矣。先擬育陰驅熱。肝風不旋。不致痙厥。五日中不興風波。可望向安。

生地

阿膠

天冬

麥冬

麻仁

生牡蠣

當有和衛之藥

金

女

溫邪深入營絡。熱止膝骨痛甚。蓋血液傷極。內風欲

沸。所謂劇則痙瘓。痙厥至矣。總是消導苦寒。冀其熱止。

獨不慮胃汁竭。肝風動乎。擬柔藥緩絡。熱熄風

復脈湯去參薑麻仁

生鼈甲湯煎藥

王氏痛從腿肢筋骨上及腰腹貫於心胸若平日經來帶下其症亦至此素稟陰虧衝任奇脈空曠凡春交地中陽氣升舉虛人氣動隨升絡血失養諸氣橫逆面赤如赭飢不欲食耳失聰寤不成寐陽浮脈絡交空顯然先和陽治絡

純陰之藥不能和血脈和陽之義安在

細生地

生白芍

生鼈甲

生龜甲

生虎骨

糯稻根

煎藥送滋腎丸

一錢半

又前用滋腎丸痛緩面浮跗腫血氣俱乏內風泛越經言風勝則動濕勝則腫陰虛多熱之質議先用虎潛丸每服四錢四服

某三五下元水虧風木內震肝腎虛多驚恐非實熱痰火可

攻劫者

生地

清阿膠

天冬

杞子

菊花炭

女貞實

當加治驚恐之藥

胡久病耳聾微嗆喉中不甚清爽是陰不上承陽挾內

風得以上侮清空諸竅大凡肝腎宜潤宜涼龍相寧則

水源生矣

人參

一錢秋石一分化水拌烘乾同煎

鮮生地

三錢

阿膠

一錢

淡菜

三錢

白芍

一錢

茯神

一錢半

又陰虛液耗風動陽升雖諸恙皆減兩旬外大便不通

又 斷勿欲速。惟靜藥補潤為宜。照前方去白芍。加柏子仁。大便兩次頗逸。全賴靜藥益陰之力。第納食未旺。議與胃藥。

人參

茯神

炒麥冬

炙甘草

生穀芽

南棗

宜加入氣分藥

又 緩肝益胃。

人參

茯神

生穀芽

炙甘草

木瓜

南棗

周 怒動肝風筋脹脇板喉痺。

阿膠

天冬

柏子仁

牡蠣

小麥

此非治喉之方

陽升血熱

吳

脈弦小數形體日瘦口舌糜碎肩背掣痛肢節麻木。膚腠搔痒目眩暈耳鳴已有數年。此屬操持積勞陽升。內風旋動燥筋損液。古謂壯火食氣皆陽氣之化。先擬清血分中熱。繼當養血熄其內風。安靜勿勞。不致痿厥。

生地

元參

天冬

丹參

犀角

羚羊角

連翹

竹葉心

方丸

何首烏

生白芍

黑芝蔴

冬桑葉

天冬

女貞子

茯神

青鹽

心管熱

某

嫗

脈右虛左數。營液內耗。肝陽內風震動。心悸眩暈少寐。

寐。

生地 阿膠 麥冬 白芍

小麥 茯神 炙草

神風陽擾

吉三五 心悸蕩漾頭中鳴七八年中頻發不止起居飲食如

常此肝膽內風自動宜鎮靜之品佐以辛泄之味如枕

中丹

王氏驚悸微腫內風動也

人參 龍骨 茯神 五味

煨薑 南棗

曹 肝膽陽氣挾內風上騰不熄心中熱驚怖多恐進和

陽鎮攝方法

龜甲 龍骨 牡蠣 茯神

石菖蒲 遠志 當歸血分藥

又神識略安夜不得寐胸膈閒時時閃爍欲動乃內風不熄也進補心法

生地 丹參 元參 茯神 棗仁 遠志

菖蒲 天冬 麥冬 桔梗 硃砂

升血去陽 王氏神呆不語心熱煩躁因驚而後經水即下肉腠刺痛

時微痞頭即搖肝風內動變瘕厥之象

小川連 黃芩 阿膠 牡蠣 秦皮

風陽阻 竅 陳 虛風麻痺清竅阻寒

天麻 鈎藤 白蒺藜 甘菊

連翹 桑枝

包爐右太陽痛甚牙關緊閉環口牽動咽喉如有物阻乃

陽升化風肝病上犯陽絡大便欲閉議用龍蒼丸每服

二錢。純是風痰再宜急治乃濁通其大便河也

又肝風阻竅脈象模糊有外脫之危今牙關緊咽痺不

納湯水雖有方藥難以通關當刮指甲末略以溫湯調

灌倘得關開再議他法另以蘇合香擦牙

鄭三脈右弦頭脹耳鳴火升此肝陽上鬱清竅失司

亦宜驅風

細生地 夏枯草 石決明 川斛

絡熱竅痺

茯神

桑葉

陳

夏季陽氣暴升煩勞擾動致內風上阻清竅口喎舌

強呵欠機竅阻痺不靈脈數舌胎忌投溫散乃司氣所致非表邪為病也

犀角

羚羊角

鬱金

菖蒲

膽星

鈎藤

連翹

橘紅

竹瀝

薑汁

又

清絡得效火風無疑忌投剛燥

犀角

羚羊

鬱金

菖蒲

連翹

生地

元參

廣皮

竹瀝

薑汁

又

脈數面赤肝風尙動宜和陽熄風

此乃名言之
竊附其門牆者
偏與之相反豈
非敗類

痰熱阻
竅

鮮生地 元參 羚羊角 連翹 菖蒲根

鮮銀花 麥冬

汪

如寐舌暗面赤亮汗出未病前一日頓食麩頗多病

來倉猝乃少陰腎臟陰陽不續厥陰肝風突起以致精

神冒昧今七八日來聲音不出乃機竅不靈治法以固

護正氣為主宣利上焦痰熱佐之若地冬養陰陰未驟

生徒使壅滯在腕急則治標古有諸矣挨過十四十五

日冀有轉機

此味尚可商

人參

半夏

茯苓

石菖蒲

竹瀝

薑汁

肝胃陰虛

江 左脇中動躍未平。猶是肝風未熄。胃津內乏。無以擁護。此清養陽明最要。蓋胃屬腑。腑強不受木火來侵。病當自減。與客邪速攻。純虛重補迥異。 酸棗仁湯去川芎。加人參。

又 諸恙向安。惟左脇中動躍多年。時有氣升欲噫之狀。肝陰不足。陽震不息。一時不能遽已。今穀食初加。乙癸同治。姑緩。

人參

茯神

知母

炙草

硃砂均異染麥冬

調入金箔

宜兼用氣分藥

又

鮮生地

麥冬

硃砂拌

竹葉心

知母

沖冷參湯

疎腎虛表

席五脈來弦動而虛。望六年歲。陽明脈衰。厥陰內風暗旋。

不熄。遂致胃脈不主束筋骨。以利機關。肝陽直上巔頂。汗從陽氣泄越。春月病發。勞力病甚。此氣愈傷。陽愈動矣。法當甘溫益氣。攻病驅風。皆劫氣傷陽。是為戒律。

人參

黃芪

當歸

炙草

冬桑葉

麥冬

地骨皮

花粉

滯胃虛痰

孫氏

胃虛肝風內震。嘔痰咳逆。頭痛眩暈。肢麻汗出。寒熱。

二陳湯加天麻鈎藤

胃滋肝和

沈五

色蒼形瘦。木火體質。身心過動。皆主火化。夫吐痰衝。

氣乃肝膽相火犯胃。過膈納食自少。陽明已虛。解鬱和。

中。兩調肝胃。節勞戒怒。使內風勿動為上。

枸杞子

酸棗仁

炒柏子仁

金石斛

半夏麴

橘紅

茯苓

黃菊花膏丸

泄肝安胃

梁

木火體質復加鬱勃。肝陰愈耗。厥陽升騰。頭暈目眩。

心悸養肝熄風一定至理。近日知飢少納。漾漾欲嘔。胃逆不降故也。先當泄木安胃為主。

桑葉 一錢

鈎藤 三錢

遠志 三分

石菖蒲 三分

半夏麴 一錢

廣皮白 一錢

金斛 一錢

茯苓 三錢

又

左脈弦氣撐至咽。心中憤憤不知何由。乃陰耗陽亢之象。議養肝之體清肝之用。

沈
心勞傷
肝結疝

九孔石決明 一具

鈎藤 一兩

橘紅 一錢

抱木茯神 三錢

鮮生地 三錢

羚羊角 八分

桑葉 一錢半

黃甘菊 一錢

沈
年歲壯盛。腕有氣。瘦。噎。噫。震動。氣降。乃平。流痰未愈。

畢丸腫硬。今入夜將寐。少腹氣衝。至心。竟夕。但寤不寐。

頭眩目花。耳內風雷。四肢麻痺。肌腠如刺。如蟲行。此屬

操持怒勞。內損乎肝。致少陽上聚。為瘕。厥陰下結。為疝。

衝脈不靜。脈中氣逆。混擾。氣燥熱化。風陽交動。營液日

耗。變亂種種。總是肝風之害。非攻消溫補能治。惟以靜

養。勿加怒勞。半年可望有成。

阿膠

細生地

天冬

茯神

宜用祛風化痰之藥

肝風

天

肝驚怒動

陳小麥

南棗肉

王^五十驚恐惱怒動肝內風陽氣沸騰腕痺咽阻筋惕肌麻皆風木過動致陽明日衰先以鎮陽熄風法

阿膠

細生地

生牡蠣

川斛

小麥

茯神

胃風陽擾

曹氏

離愁菀結都係情志中自病恰逢冬溫陽氣不潛初

交春令陽已勃然變化內風遊行擾絡陽但上冒陰不

下吸清竅為蒙狀如中厥舌暗不言劉河間謂將息失

宜火盛水衰風自內起其實陰虛陽亢為病也既不按

法論病設治至驚蟄雷鳴身即汗泄春分氣暖而晝夜

未剋土也

菊花白木防風
桔梗黃芩細辛
茯苓牡蠣人參
礬石當歸乾薑
川芎桂枝為散
酒服

寤不肯寐。甚至焦煩。迥異於平時。何一非陽氣獨激。使然耶。夫肝風內擾。陽明最當其衝。犯病中。暴食以內風消燼。求助於食。今胃脈不復。氣愈不振。不司束筋骨。以利機關。致鼻準光亮。肌肉浮腫。考古人虛風。首推侯氏黑散。務以填實腸胃空隙。庶幾內風可息。奈何醫者。不曰清火豁痰。即曰膩補。或雜風藥。內因之恙。豈有形質可攻。偏寒偏熱。皆非至理。

生牡蠣

生白芍

炒生地

菊花炭

炙甘草

南棗肉

大凡攻病驅邪藥。以偏勝。如內經鹹勝苦。苦勝辛之

類藉其剋制以圖功耳。今則情志內因致病，係乎陰陽臟腑不和，理偏就和，宜崇生氣如天地間四時陰陽迭運，萬物自有生長之妙。案中曰：陽冒不潛，法當和陽以就陰，牡蠣體沉味鹹，佐以白芍之酸，水生木也。地黃微苦，菊微辛，從火炒變為苦味，木生火也。益以甘草大棗之甘，充養陽明火生土也。藥雖平行，無奇實參，軒岐底蘊，世皆忽略不究，但執某藥治何病者多矣。

經云：東方生風，風生木，木生酸，酸生肝，故肝為風木之臟，因有相火內寄，體陰用陽，其性剛，主動主升全。

賴腎水以涵之。血液以濡之。肺金清肅下降之令以平之。中宮敦阜之土氣以培之。則剛勁之質得爲柔和之體。遂其條達暢茂之性。何病之有。倘精液有虧。肝陰不足。血燥生熱。熱則風陽上升。竅絡阻塞。頭目不清。眩暈跌仆。甚則瘈瘲痙厥矣。先生治法。所謂緩肝之急。以熄風。滋腎之液。以驅熱。如虎潛。侯氏黑散。地黃飲子。滋腎丸。復脈等方。加減是介。以潛之。酸以收之。厚味以填之。或用清上實下之法。若思慮煩勞。身心過動。風陽內擾。則營熱心悸。驚怖不寐。脅中動躍。治以酸棗仁湯。補心丹。枕中丹。加減清營中之熱。

佐以斂攝神志。若因動怒鬱勃痰火風交熾。則有二
 陳龍蒼風木過動。必犯中宮。則嘔吐不食。法用泄肝
 安胃。或填補陽明。其他如辛甘化風。甘酸化陰。清金
 平木。種種治法。未能備敘。然肝風一症患者甚多。因
 古人從未以此為病名。故醫家每每忽略。余不辭杜
 撰之咎。特為拈出。另立一門。以便後學考覈云。
 雲

華岫

肝風即中風一類南方最多卻不必另立一門

平之中宮。脾胃之土。於以斂之。與風相之。其
 疎胃水以風之血。密之風之氣。合其氣。其

眩暈

痰火

徐脈左浮弦數痰多脘中不爽煩則火升眩暈靜坐神

識稍安議少陽陽明同治法

羚羊角

連翹

香豆豉

廣皮白

半夏麴

黑山梔

宜加鎮心之品

某痰火風在上舌乾頭眩

天麻

鈎藤

菊花

橘紅

半夏麴

茯苓

山梔

花粉

某酒客中虛痰暈二陳加朮白蒺鈎藤天麻

眩暈

三

內風挾痰

江五脈弦動眩暈痰多胸痺窒塞此清陽少旋內風日熾。當春地氣上升最慮風痲。

明天麻 白痰 桂枝木 半夏

橘紅 茯苓 苡仁 炙草

又頭額悶脹痰多作眩。外臺茯苓飲加羚羊角桂枝

竹瀝薑汁法丸

吳四診脈芤弱痰多眩暈心神過勞陽升風動不可過飲。

助升治痰須健中熄風可緩暈。宜加痰藥

九蒸白朮 炒杞子 白痰 茯苓 菊花炭

周內風挾痰眩暈吐出清水

肝風

半夏

茯苓

廣皮

天麻

鈎藤

菊花

張

肝風內沸劫燥津液頭暈喉舌乾涸。

大生地

天冬

麥冬

萸肉

阿膠

生白芍

耳加風藥

陳

肝風動逆不熄頭暈。

九製首烏

四兩

甘菊炭

一兩

杞子

二兩

桑椹子

二兩

黑芝蔴

二兩

巨勝子

一兩

牛膝

一兩

茯神

二兩

青菓汁法丸

洪十四內風逆頭暈。

經霜桑葉

錢一

炒黃甘菊花炭

錢一

生左牡蠣

錢三

黑穉豆皮

錢二

徽州黑芝蔴

錢二

茯神

錢半

某

兩寸脈浮大氣火上升頭眩甚則欲嘔吐厥陰上干

久則陽明失降土被木剋脾胃俱傷先當鎮肝陽

製首烏

穉豆皮

炒杞子

柏子仁

紫石英

茯神

天冬

南棗

某

操持驚恐相火肝風上竄目跳頭暈陰弱欲遺脈左

弦勁右小平

生地

白芍

丹皮

鉤藤

天麻

白蒺藜

黃菊花

橘紅

熟

王六辛甘寒。眩暈已緩。此絡脈中熱。陽氣變現。內風上冒。是根本虛在下。熱化內風在上。上實下虛。先清標恙。

羚羊角

元參心

鮮生地

連翹心

鬱金

石菖蒲

又照前方去菖蒲。鬱金加川貝花粉。

升陰虛陽

某二暈厥。煩勞即發。此水虧不能涵木。厥陽化風鼓動。煩勞陽升。病斯發矣。據述幼年即然。藥餌恐難杜絕。

熟地

龜版

牡蠣

天冬

莢肉

五味

茯神

牛膝

遠志

靈磁石

田七。煩勞。陽氣大動。變化內風。直冒清空。遂為眩暈。能食。

膚充病不在乎中上。以介類沉潛真陽。鹹酸之味為宜。

淡菜膠

龜版膠

阿膠

熟地

萸肉

茯苓

川斛

建蓮

山藥漿丸

營血虛

嚴四

營虛內風逆心悸頭暈

炒杞子

柏子仁

三角胡麻

川斛

生左牡蠣

冬桑葉

下虛

李

三七

高年頗得納穀安寢。春夏以來頭暈跗腫不能健步。

此上實下虛。腎氣衰不主攝納。肝風動清竅漸蒙。大凡

腎宜溫。肝宜涼。溫納佐涼。乃複方之劑。

附都氣加車前淡天冬建蓮丸

經云。諸風掉眩。皆屬於肝。頭爲六陽之首。耳目口鼻。皆係清空之竅。所患眩暈者。非外來之邪。乃肝膽之風。陽上冒耳。甚則有昏厥跌仆之虞。其症有夾痰夾火中虛下虛治膽治胃治肝之分。火盛者。先生用羚羊山梔連翹花粉元參鮮生地丹皮桑葉以清泄上焦竅絡之熱。此先從膽治也。痰多者。必理陽明消痰。如竹瀝薑汁菖蒲橘紅二陳湯之類。中虛則兼用人參外臺茯苓飲是也。下虛者。必從肝治。補腎滋肝育陰潛陽鎮攝之治是也。至於天麻鈎藤菊花之屬。皆係熄風之品。可隨症加入。此症之原本之肝風。當與

肝風中風頭風門合而參之。華岫雲

眩暈清火養肝固為正治但陽氣上升至于身體不能自主此非浮火之比古人必用金石鎮墜之品此則先生所未及知也憶余初至郡中治病是時喜用唐人方先生見之謂人曰有吳江秀才徐某在外治病頗有心想但藥味甚雜此乃無師傳授之故已後先生得宋板外臺秘要讀之復謂人曰我前謂徐生立方無本誰知俱出外臺可知學問無窮讀書不可輕量也先生之服善如此猶見古風所謂藥味雜卽指金石品也因附記于此

此症當刺心陽
陽明所過之穴
不刺風池風府
此老于針灸之
書未嘗讀也

暑熱上
蒙清竅

頭風

趙

右偏頭痛鼻竅流涕仍不通爽咽喉疔腐寤醒肢冷
汗出外邪頭風已留數月其邪混處精華氣血咸為蒙
閉豈是發散清寒可解頭巔藥餌務宜清揚當刺風池
風府投藥仍以通法苟非氣血周行焉望卻除宿病

西瓜衣

鮮蘆根

苡仁

通草

煎送蠟礬丸

木火上
炎

何四

右偏風頭痛從牙齦起

此乃少陽陽明合病方不
甚切宜再加風痰藥

炒生地

蔓荊子

黃甘菊

茯苓

炒杞子

冬桑葉

炒丹皮

川斛

錢二

錢一

錢一

半錢

頭風之疾輕者
易愈其重者風
毒上攻血橫
則傷目必重劑
并外治諸法方
能有效案中
載諸方僅能應
酬輕病不能愈
大病也

陰中陽
虛
胃虛風
陽上逆

王五 一 中年陰中之陽已虛內風偏頭痛冷淚出 還少丹

徐四 一 頭風既愈復發痛甚嘔吐不已陽明胃虛肝陽化風

愈動恐有失明之憂 此乃胃中留飲症也當治痰

炒半夏 茯苓 苦丁茶 菊花炭

炒杞子 柏子霜

朱五 四 陽明脈弦大而堅厥陰脈小弦數促面赤頭痛遠及

腦後驚惕肉瞤熱汗出早晨小安入暮偏劇此操持

佛鬱肝陽挾持內風直上巔頂木火戕胃為嘔逆陽越

為面赤汗淋內因之病加以司侯春深慮有暴厥瘕瘕

之幻夫肝為剛臟胃屬陽土姑議柔緩之法冀有陽和

風熄之理。復脈去參薑桂加雞子黃白芍。

王始用茶調散得效。今宜養血和血。

川芎

歸身

白芍

酒炒

白蒺藜

炒

桑枝

宋三頭風目痛昏赤火風上鬱最多及詢病有三四年遇

風冷為甚其衛陽清氣久而損傷非徒清散可愈從治

風先治血意。

杞子

歸身

炒白芍

沙苑

菊花

鉤藤

頭風一症有偏正之分偏者主乎少陽而風滯火鬱

為多前人立法以柴胡為要藥其補瀉之間不離於

此無如與之陰虛火浮。氣升吸短者。則厥脫之萌。由是而來矣。先生則另出心裁。以桑葉丹皮山梔荷葉。邊輕清涼泄。使少陽鬱遏之邪。亦可倏然而解。倘久則傷及肝陰。參人鹹涼柔鎮可也。所云正者。病情不一。有氣虛血虛。痰厥腎厥。陰傷陽浮。火亢邪風之不同。按經設治。自古分晰甚明。茲不再述。至於肝陰久耗。內風日旋。厥陽無一息之寧。痛掣之勢已極。此時豈區區湯散可解。計惟與復脈之純甘壯水。膠黃之柔婉以熄風和陽。俾剛亢之威。一時頓熄。予用之屢效如神。決不以虛諛爲助。

邵新甫

陰虛

虛勞

王二此少壯精氣未旺。致奇脈綱維失護。經云形不足者。溫之以氣。精不足者補之以味。今納穀如昔。當以血肉充養。補之以味莫若以飲食補之。

牛骨髓

羊骨髓

猪骨髓

茯神

枸杞

當歸

湖蓮

芡實

溫三陰虛督損。

六味加麋角膠。秋石川石斛膏。

陳七十癩勞在出幼之年。形脈生氣內奪。冬月可延。入夏難

挨由真陰日消燼。救陰無速功。故難治。兩儀煎

續方

陳二春病至夏日漸形色消奪是天地大氣發泄真氣先傷不主內守為損怯之症不加靜養損不肯復故治嗽治熱無用交節病加尤屬虛象脈左數甚肛有漏瘍最

難全好

此應酬之方此症本不治也

熟地

炒山藥

建蓮

茯苓

猪脊筋

徐

四

清金潤燥熱緩神象乃病衰成勞矣男子中年行走

無力寐中咳逆溫補剛燥難投

咳氣不宜此方

天冬

生地

人參

茯苓

白蜜

黃

二

陰傷勞損

六

清阿膠

雞子黃

生地

麥冬

麻子仁

炙甘草

南棗

某

攝陰得效。佐以益氣。合補三陰之臟。

人參

熟地

炒杞子

五味

牛膝炭

建蓮

炒山藥

芡實

錢

陽外泄為汗。陰下注則遺。二氣造偏。陰虛熱勝。腦為

髓。海腹是至陰。皆陽乘於陰。然陽氣有餘。益見陰弱。無

以交戀其陽。因病致偏。偏久致損。坐功運氣。陰陽未協。

損不肯復。頗為可慮。今深秋入冬。天令收肅。身氣泄越。

入暮灼熱。總是陰精損傷。而為消燂耳。

輕力不能平重病也

川石斛

炒知母

女貞子

茯神

糯稻根 小黑稽豆皮

又 暮夜熱熾。陰虛何疑。但從前表散。致衛陽疏泄。穿山

甲鑽筋流利。後致經絡氣血劫撤。內損不復。衛陽藩籬

交空。斯時亦可撐半壁矣。失此機宜。秋收冬藏。主令其

在封固蟄藏耳。張季明謂元無所歸。則熱灼亦是。

方丸

人參

河車

熟地

五味

蓮肉

山藥

茯苓

食後逾時服六神湯

張^六有年呼氣頗和。吸氣則脇中刺痛。是肝腎至陰臟絡

之虛。初投辛酸而效。兩和肝之體用耳。大旨益腎當溫。

複入涼肝滋液。忌投剛燥。

大熟地 天冬 枸杞 柏子霜 茯苓

桂圓肉 女貞子 川斛 蜜丸

徐 今年長夏久熱傷損真陰。深秋天氣收肅。奈身中泄

越已甚。吸短精濁。消渴眩暈。見症卻是肝腎脈由陰漸

損及陽明胃絡。納穀減。肢無力。越人所云陰傷及陽最

難充復。誠治病易治損難耳。

人參 天冬 生地 茯神

女貞 遠志

鍾十二少年形色衰奪。見症已屬勞怯。生旺之氣已少。藥難

奏功。求醫無益。食物自適者。即胃喜為補。扶持後天冀

命登百有奇卷 一 虛勞 完

其久延而已。

魚鱉

湖蓮

秋石

芡實

金櫻子

周十七脈神形色是老年衰憊無攻病成法大意血氣有情之屬栽培生氣而已每日不拘用人乳或牛乳約茶蓋許燉煖入薑汁三分

某女交夏潮熱口渴肌膚田錯此屬骨蒸潮熱

生鱉甲

銀柴胡

青蒿

黃芩

丹皮

知母

湯女天癸未至八暮寒熱此先天真陰不足為損怯延挨之病腹膨減食治在太陰厥陰此病當問有外感否

熟白朮二錢

生厚朴一錢

當歸二錢

丹皮一錢

淡黃芩一錢

生鱉甲五錢

此一通一補之法。白朮補太陰。厚朴通陽明。當歸補厥陰。丹皮泄少陽。黃芩清氣分之熱。鱉甲滋血分之熱也。

陳二十穉年陰虧陽亢。春陽化風。地升暮熱。晨汗肌柔。白脈數虛。非客邪。清解倣仲景復脈法。本方去薑桂加甘

蔗汁。

王二十穉年純陽。諸陽皆聚於骨。陰未充。長陽未和諧。凡過動煩怒等因。陽驟升巔為痛。熱寐痛止。陽潛入陰也。此

非外邪。常用錢氏六味丸。加龜甲知母鹹秋石。以滋養壯陰。

曹三十肌肉蒼赤。脈小數。疾童真陰未充。長囊下肛前。已有漏卮。陽獨升降。巔竅如蒙。常與壯水制火。猶慮變幻損怯。生六味去萸肉。加生白芍黃柏知母人中白蜜丸。施三脈尺垂少。藏唾痰灰黑。陰水內虧。陽火來乘。皆損怯之萌。可冀胃旺加餐耳。年歲已過三旬。苟能靜養百天。可以充旺。

熟地

天冬

川斛

茯神

遠志

山藥

建蓮

芡實

秋石

猪脊髓丸

張勞煩夏秋氣洩而病交小雪不復元咽中微痛血無華色求源內損不藏陰中之陽不伏恐春深變病

熟地炭

清阿膠

川斛

浸白天冬

秋石

二分

許三陰傷及陽畏風外冷午後潮熱舌絳渴飲剛峻難進腰脊墜音啞心嘈姑與柔陽滋液

首烏

枸杞

天冬

黑穉豆皮

茯神

建蓮

黃當純陽發泄之令辛散亂進火升咽乾氣促病根在下焦陰虛成勞最難調治

熟地

炒山藥

五味

芡實

茯神

湖蓮

又照前方加人參

宋

勞損三年肉消脂涸吸氣喘促欲咳不能出聲必踞

按季脇方稍有力寐醒喉中乾涸直至胸腕此五液俱

竭法在不治援引人身脂膏為繼續之算莫言治病

鮮河車

人乳汁

眞秋石

血餘灰

陰虛陽浮

吳

遺濁已久上冬喉中哽噎醫投寒解入夏不痊緣腎

陰為遺消燥龍雷不肯潛伏於冬令收藏之候反升清

空之所內經以少陰之脈循喉嚨挾舌本陰質既虧五

液無以上承徒有浮陽蒸灼柔嫩肺日傷為痺為宣不

外陰虛陽亢楷模但養育陰氣貴乎寧靜夫思煩嗔怒

誦讀吟詠。皆是動陽助熱。不求諸已工夫。日啖草木藥
汁。生氣暗傷。豈曰善策。然未嘗無藥也。益水源之弱。制
火炎之熾。早用六味減丹澤。加阿膠秋石龜膠牡蠣湖
蓮肉之屬。以入下介。以潛陽。滋填滯固。卻是至靜陰藥。
卧時量進補心丹。寧神解熱。俾上下得交。經年可冀有
成。

沈 脈細潛入尺澤。下元精虧。龍旺火熾。是口齒齲腫。皆
下焦之虛。陽上越。引火歸窟。未嘗不通。祇以形瘦液少。
慮其劫陰。致有瘍癰起患。當預慮也。 虎潛去廣歸鎖
陽。加山藥菴蓉青鹽羊肉膠丸。

安脈堅咽阻心熱得暖氣畧爽腰膝奕弱精滑自遺必
因驚恐傷及肝腎下虛則厥陽衝逆而上法宜鎮逆和
陽繼宮填下

生白芍

桂枝木

生牡蠣

龍骨

茯神

大棗

小黑稽豆皮

鄭

脈數垂八尺澤穴中此陰精未充早泄陽失潛藏汗

出吸短龍相內灼升騰面目肺受薰蒸噎涕交作兼之

胃弱少穀精濁下注溺管疼痛肝陽吸其腎陰善怒多

鬱顯然腎虛如繪議有情之屬以填精做古滑瀝互施

法

雖多用血肉之
品皆切病而有
本近日學之者
遂成笑柄矣

牛骨髓四兩

羊骨髓四兩

猪脊髓四兩

麋角膠四兩

熟地八兩

人參四兩

萸肉四兩

五味三兩

芡實四兩

湖蓮四兩

山藥四兩

茯神四兩

金櫻膏三兩

膠髓丸

曹一精氣內奪冬乏收藏入夜氣衝嗆逆不得安寢皆勞

怯之末傳難治

人參

鮮紫河車

茯苓

茯神

五味

紫衣胡桃肉

姚二脈左細右空色奪神天聲嘶乃精傷於下氣不攝固

而為咳汗勞怯重病藥難奏功用大造丸方

程脈左弦搏著枕眠卧冷痰上升交子後乾咳此腎虛

陽不潛伏。乃虛症也。從攝固引導。勿驟進溫熱燥藥。

熟地炭 生白芍 山藥 茯苓 丹皮

澤瀉 車前 牛膝 胡桃肉

蔣 脈細促。三五欲歇。止頭垂欲俛。著枕卽氣衝不續。此腎臟無根。督脈不用。虛損至此。必無挽法。

熟地 五味 茯苓 青鉛 猪脊髓

朱二 眞陰久傷不復。陽氣自爲升降行動。卽覺外感。皆體質失藏外衛不固矣。治在少陰。用固本丸之屬。加入潛

陽介類 固本丸加淡菜秋石阿膠

金 虛症五年。眞陰旣損不復。長夏陰不生成。陽擾升越。

巔頂而為痛脹。日患不痊。病根亦在肝腎。與潛陽以益

乙癸。磁石六味加龜甲。

胡厥陽上衝心痛振搖消渴齒血都是下焦精損質重

味厚填補空隙可冀其效。

熟地 四兩

五味 二兩

茯神 二兩

建蓮 二兩

芡實 二兩

山藥 二兩

人乳粉 二兩

秋石 二兩

生精羊肉膠丸早服四錢

程 今年厥陰司天春分地氣上升人身陽氣上舉風乃

陽之化氣陰衰於下無以制伏上愈熱斯下愈寒總屬

虛象故龜膠人乳皆血氣有情服之小效者非沉苦寒

威也。茲定鹹味入陰介類潛陽法。

炒熟地

龜膠

阿膠

炒遠志

炒山藥

湖蓮

六七日後仍進瓊玉膏減沉香

蔣三五

肝厥用鹹味入陰水生木體是虛症治法夏令大氣

主泄。因煩勞病發勢雖減於昔日而脈症仍然必靜養經年陰陽自交病可全去議介類潛陽佐酸味以斂之。

熟地

柏子霜

芟肉

五味

鎖陽

淡菜膠

海參膠

真阿膠

龜版膠

茯苓

湖蓮

芡實

青鹽

金

肝血腎精無藏陽之依附多夢紛紜皆陽神浮越當

以介屬有情。填補下焦。

熟地

淡菜

阿膠

萸肉

小麥

龍骨

牡蠣

又

腎虛氣攻於背。肝虛熱觸於心。都是精血內奪。神魂不主。依附此重鎮。以理其怯。填補以實其下。血肉有情。皆充養身中形質。即治病法程矣。

熟地

牡蠣

淡菜

五味

萸肉

龍骨

杞子

吳十診脈細數。左垂尺澤。先天最素薄。真陰未充。當精通

年歲陰氣早泄。使龍相刻。燃津液暗消。有虛怯根萌。藥

宜至靜純陰保養尤為要旨。知柏六味去丹澤加龜

甲天冬猪脊髓丸

錢五據說熱自左升直至耳前後脹視面色油亮足心灼

熱每午後入暮皆然上年用茶調散宣通上焦鬱熱不

應此肝腎陰火乘竅經無此言卻因男子精虧陽不下交經言以

滋填陰藥必佐介屬重鎮試以安寢竟夜乃安參陽動

陰靜至理

熟地

龜版

黃肉

五味

茯苓

磁石

黃柏

知母

猪脊髓丸

顧二陰精下損虛火上炎脊腰髀痠痛髓空斯督帶諸脈

不用法當填髓充液莫以見熱投涼。

熟地 水煮 杞子

魚膠

五味

茯神

山藥

湖蓮

芡實

金櫻膏為丸

陳二喉痺目珠痛吸氣短促曾咯血遺精皆陰不內守孤

陽上越諸竅當填下和陽

熟地

枸杞炭

旱蓮草

菊花炭

女貞

茯苓 當兼用清上之藥

某二心煩不寧目彩無光少陰腎水枯槁厥陽上越不潛

議用填陰潛陽

人參 一錢半

熟地 五錢

天冬 一錢

麥冬 三錢

茯神 三錢

龜版 一兩

某女渴不欲飲。陰不上承。况寐醒神識不靜。易驚汗出。法

當斂補。

人參

熟地炭

萸肉炭

茯神

五味

炒遠志

邵精血傷。氣不潛納。陽浮擾神。則魂魄不寧。臟陰不安。

其位。

人參

炙草

建蓮

茯神

龍骨

金箔

虛。有形血液。從破傷而損神氣。無以擁護。當此冬令藏

陽虛

陽陽微畏寒。奇脈少津。乏氣貫布。行步欹斜。健忘若憤。何一非精氣內奪之徵。將交大雪。純陰無陽。冬至一陽來復也。見此離散之態。平素不受煖補。是氣元長旺。今乃精衰氣竭之象。又不拘乎此例也。

人參

鹿茸

歸身

炒杞子

茯苓

沙苑

馬陰精走泄於下。陽氣鬱冒於上。太衝脈衰。厥氣上衝。陡然癰厥。陰陽既失交偶。內隨陽掀旋。陽從汗泄矣。宜遠房幃。獨居靜室。醫治之法。從陰引陽。從陽引陰。大封大固。以蟄藏為要。百日可效。經年可以復元。

淡菘蓉

五味

遠志

茯神

芡實

建蓮

生羊腰子

孫四形軀豐溢。脈來微小。乃陽氣不足。體質理煩治劇。曲

運神機。都是傷陽之助。溫養有情。栽培生氣。卽古聖春

夏養陽。不與逐邪攻病同例。用青囊班龍丸。

某二少壯形神憔悴。身體前後牽掣不舒。此奇經脈海乏

氣。少陰腎病何疑。

淡菘蓉

甘枸杞

當歸 牛膝

沙苑

茯苓

某陰陽二氣不振。春初進入味。減桂之辛。益以味芍之

酸從陽引陰兼以歸脾守補其營方得效驗。茲當春升夏令裏虛藏聚未固升泄主令必加煩倦。古人謂寒則傷形熱則傷氣是當以益氣為主。通攝下焦兼之倣內經春夏養陽秋冬養陰為法。非治病也。乃論體耳。

夏季早服青囊班龍丸方法

鹿茸

鹿角霜

鹿角膠

赤白茯苓

熟地

菴蓉

補骨脂

五味子

晚服歸脾去木香加枸杞子

王氏凡女科書首篇必論調經既嫁必究孕育結禱十載未能得胎病在至陰之臟延及奇經八脈述經遲晨泄。

心若搖漾，得食姑緩，肛瘍久漏，都屬下損。

人參

麋茸

紫石英

茯苓

當歸

補骨脂

棗艾湯泛丸

肚病止

汪氏女科首列調經。今經不調和耳鳴心漾汗出畏恐神

痺兩足皆冷兼浮腫冬至節交病甚於前都因肝腎內

怯陽不交陰所至薛氏加減八味丸淡鹽湯送三錢

萬二診脈數左畧大右腰牽絆足痿五更盜汗即醒有夢

情慾則遺自病半年體虛兼風痰脊椎六七節骨形凸出自述書齋

坐卧受濕若六淫致病新邪自解驗色脈推病是先天

稟賦原怯未經充旺肝血腎精受戕致奇經入脈中乏

運用之力。乃筋骨間病。內應精血之損傷也。

人參 一錢

鹿茸 二錢

杞子 炒黑 三錢

當歸 一錢

舶茴香 炒黑 一錢

紫衣胡桃肉 二枚

生雄羊內腎 二枚

夫精血皆有形。以草木無情之物為補益。聲氣必不
相應。桂附剛。復氣質雄烈。精血主臟。臟體屬陰。剛則
愈劫脂矣。至於丹溪虎潛法。潛陽堅陰。用知柏苦寒
沈著。未通奇脈。余以柔劑陽藥。通奇脈不滯。且血肉
有情。栽培身內之精血。但王道無近功。多用自有益。
三辛溫。鹹潤。乃柔劑。通藥。謂腎惡燥也。服有小效。是勞
傷腎真。而八脈皆以廢弛。失職。議進升陽法。

陽虛奇脈兼病

朱三六

命登旨有醫案

虛勞

兜

鹿茸

菴蓉

歸身

杞子

柏子仁

杜仲

兔絲子

沙苑

范一父母弱症早喪稟質不克充旺年二十歲未娶見病

已是損怯此寒熱遇勞而發即內經陽維脈衰不司維續護衛包舉下部無力有形精血不得充涵筋骨矣且下元之損必累八脈此醫藥徒補無用

鹿茸

杞子

歸身

巴戟

沙苑

茯苓

舶茴香

羊肉膠丸

陰陽竝虛

施

衝氣貫脇上咽形體日漸枯槁此勞傷肝腎而成損怯由乎精氣不生厥氣上逆耳議以通陽攝陰冀其漸

引漸收。非見病治病之方法矣。

菴蓉 熟地 五味 枸杞 柏子霜

茯苓 桑椹子 砂仁 青鹽 羊肉膠丸

王三陽虛背寒肢冷陰虛火升煩驚宿病偏傷不復總在

虛損一門。鎮攝之補宜商。

早用薛氏八味丸 晚歸脾去芪木香

某 肝腎損傷八脈無氣未老衰憊大著姑議通陽守陰

一法。俟明眼裁之。

淡菴蓉 熟地炭 鹿角霜 五味子肉

柏子仁 茯苓

品登旨有醫案 卷一 虛勞 五

王二搖精驚恐。肝腎臟陰大泄。陽不附和。陰中百脈之氣。自足至巔起。自湧泉以少陰之脈始。此欲使陰陽翕闔。譬諸招集潰散卒伍。所謂用藥如用兵。

熟地

枸杞

當歸

五味

遠志

龜版

鹿鞭

羊肉

某

脈虛細。夜熱晨寒。煩倦口渴。汗出。臟液已虧。當春氣

外泄。宗內經凡元氣有傷。當與甘藥之例。陰虛者用復

脈湯。此虛勞之正方。

炙甘草 七分

人參 一錢

阿膠 二錢

火麻仁 一錢

生地 二錢

麥冬 一錢

桂枝 二分

生白芍 半錢

某二陰傷及陽。加以春夏大地陽氣主泄。真無內聚。形神痿靡。大凡熱必傷氣。固氣正以迎夏至。一陰來復。

人參 熟地 五味 炒山藥

芡實 建蓮

張二臟陰久虧。入脈無力。是久損不復。况中脘微痛。臍中動氣。決非滋膩涼藥可服。做大建中之製。溫養元真。壯其奇脈。為通納方法。

人參 生於朮 炙草 茯苓

熟地 淡菴蓉 歸身 白芍

真潯桂 枸杞 五味 蜜丸服四錢

虛勞

許九善。嘔食減無味。大便溏瀉。三年久病。內傷何疑。但清
內熱。潤肺理嗽。總是妨碍脾胃。思人身病損。必先陰陽
致偏。是太陰脾臟日削。自然少陽胆木來侮。宗內經補
臟通腑一法。四君子加桑葉炒丹皮。

又。虛勞三年。形神大衰。食減無味。大便溏瀉。寒起背肢。
熱從心熾。每咳必百脈動掣。間或脇肋攻觸。種種見症。
都是病深傳遍。前議四君子湯。以養脾胃。沖和加入桑
葉丹皮。和少陽木火。使土少侵。服已不應。想人身中二
氣致偏。則病今脈症。乃損傷已極。草木焉得振頓。見病
治病。諒無裨益。益氣少靈。理從營議。食少滑泄。非滋賦。

所宜。暫用景岳理陰煎法。參入鎮逆固攝。若不胃甦。知味實難擬法。

又

人參

秋石

山藥

茯苓

河車膠丸

張。汗多亡陽。是醫人不知勞倦受寒。病兼內傷。但以風寒外感發散。致悞淹淹半年。乃病傷不復。能食者以氣血兼補。

人參

白朮

茯苓

沙苑

菹蓉

歸身

枸杞

張。九陰傷成勞。因減食便溏寒熱。姑從中治者。以脾為營。不安

胃主衛也。

異功加五味子。

吳三虛損至食減腹痛便溏中宮後天為急不必泥乎痰

嗽縷治異功散去朮加炒白芍煨益智仁

胃上損及楊氏背寒心熱胃弱少餐經期仍至此屬上損

生地 茯神 炒麥冬 生扁豆 生甘草

仲久嗽神衰肉消是因勞倦內傷醫不分自上自下損

傷但以苦寒沈降氣泄汗淋液耗夜熱胃口得苦傷殘

食物從此頓減老勞纏綿詎能易安用建中法

黃芪建中湯去薑

又刺照前方加五味子用五味子不得法

又平補足三陰法

人參

炒山藥

熟地

五味

女貞子

炒黑杞子

下損及
中

時

十二脈細屬臟陰之損。平素畏寒怯冷。少年陽氣未得充。長夏令暴瀉。是時令濕熱未必遽然。虛損若此。今穀減。形瘦步履頓加。喘息勞怯顯然。當理脾腎。

早服加減八味丸

晚服異功散

某

由陰損及乎陽。寒熱互起。當調營衛。

參芪建中湯

去薑糖

某

人夏發泄。主令由下損。以及中焦。減穀形衰。陰傷及

陽。畏冷至下。春季進河車羊肉。溫養固髓。方法積損難

充不禁。時令之泄越耳。古人減食久虛，必須胃藥。晚進

參朮膏。早用封固，佐升陽法。長夏不復，奈何。

鹿茸 生研 一兩

鹿角霜 一兩

熟地 二兩

生兔絲子 一兩

人參 一兩

茯苓 一兩

韭子 二兩

補骨脂 胡桃 蒸兩

枸杞子 一兩

柏子霜 一兩

蜜丸早服，四錢參湯送。

參朮膏方

人參四兩，另用泉水熬九蒸於朮四兩，另

用泉水熬各熬膏，成以炭火厚掩乾灰，將藥罐燉收

至極老為度。每用膏二錢五分，開水化服。

脾腎兼虛

李

九 二 勞怯，形色奪，肌肉消，食減便滑，兼痰嗆喉痛，知醫理

者，再無清咽涼肺滋陰矣。病人述心事，操持病加顯然。

內損。關係臟真。冬寒藏陽。人身之陽。升騰失交。收藏失司。豈見病治病。膚淺之見識。據說食進逾時。必有痛瀉。經言食至小腸變化。屈曲腸間有阻。常有諸矣。凡湯藥氣升。宜丸劑疏補。資生丸食後服。

晨服

人參

坎菑血車為母

茯苓

黑殼建蓮

五味

芡實

山藥漿丸

楊。髮墮於少壯之年。能食不化。噫氣小洩。淋濁。便糞漸細。少年脾腎損傷。宜煖下焦。以醒中陽。濟生丸三錢。開水送下。

陳。十陰損於下。中焦運陽亦弱。見症少年損怯。先天不充。

以後天維續。但食少難化。膩滯勿用。由陰損及陽。用雙補丸。

不妥

某

久勞食減便溏不爽氣短促 異功加五味子

王

脈如數垂入尺澤病起肝腎下損延及脾胃昔秦越

人云自下焦損傷過中焦則難治知有形精血難復急

無此語

培無形之氣為旨食少便溏與錢氏異功散

蔡

久嗽氣浮至於減食泄瀉顯然元氣損傷若清降消

痰益損真氣大旨培脾胃以資運納煖腎臟以助冬藏

不失帶病延年之算異功散兼服

五味子不治瀉
後人用者多誤

熟地炭

茯神

炒黑枸杞

五味

建蓮肉 炒黑遠志 山藥粉丸 早上服

葉二病損不復入脈空虛不時寒熱間或便溏雖步履飲

食如常週身氣機尙未得雍和尙調攝失慎慮其反覆

前丸藥仍進煎方宗脾腎雙補法

人參 一錢 茯苓 三錢 廣皮 一錢 炒沙苑 一錢

益智仁 煨研 炒兔絲餅 二此方宜作丸若煎方于錢其熱不宜

瀉胃虛嘔 華二勞損加以煩勞肉消形脫潮熱不息胃倒泄瀉衝氣

上攻則嘔當此發泄主令難望久延

人參 訶子皮 赤石脂 蒸熟烏梅肉

新會皮 炒白粳米

陰虛陽
浮兼胃
陰虛

呂 冲年久坐誦讀。五志之陽多升。咽乾內熱。眞陰未能
自旺於本宮。診脈寸口動數。怕有見紅之慮。此甘寒緩
熱為穩。不致胃枯耳。

生地

天冬

女貞

茯神

炙草

糯稻根鬚

杜二陰精久損。投以填納溫潤。入夏至晚火升。食物少減。
仍屬陰虧。但夏三月必佐胃藥。

參鬚

麥冬

五味

茯神

建蓮

芡實

許

脈左堅上下直行。精損熱自升降。

細生地 玄參心 女貞 川斛 糯稻根鬚

又 甜北沙參 天冬 炒麥冬 茯神

阿膠 秋石

又 人參 麥冬 生甘草 扁豆

胡三四補三陰臟陰。是迎夏至生陰。而暈逆欲嘔吐痰。全是

厥陽犯胃上巔。必靜養可制陽光之動。久損重虛。用甘

緩方法。金匱麥門冬湯去半夏

王 春半寐則盜汗陰虛。當春陽發泄。胃口弱極。六黃苦

味未宜。用甘酸化陰法。當用涼心之藥。不宜蠻補

人參 熟地 五味 炙草

營虛

湖蓮

茯神

某二 誦讀身靜心動最易耗氣損營心脾偏多不時神煩

心悸頭眩腕悶故有自來也調養漑灌營陰俾陽不升

越恐擾動絡血耳

淮小麥 三錢

南棗肉 一枚

炒白芍 一錢

柏子仁 一錢半

茯神 三錢

炙草 四分

某十 脉弦脇痛引及背部食減此屬營損傳勞

桂枝木 四分

生白芍 一錢半

炙草 四分

歸身 一錢半

茯神 三錢

生牡蠣 三錢

煨薑 一錢

南棗 三錢

某三 脉奕不嗜食腰痠無力咳煩勞營虛所致

當歸

生白芍

桂枝木

茯苓

炙草

飴糖

煨薑

南棗

汪

脉左小右虛背微寒肢微冷痰多微嘔食減不甘此

胃陽已弱衛氣不得擁護時作微寒微熱之狀小便短

赤大便微溏非實邪矣當建立中氣以維營衛東垣云

骨為衛之本營乃脾之源偏熱偏寒猶非正治

人參

歸身米拌炒

桂枝木

白芍

炒焦

南棗

陸

勞傷陽氣不肯復元秋冬之交余宗東垣甘溫為法

原得小效眾楚交咻柴葛枳朴是餌二氣散越交紐失

固閃氣疼痛腕中痞結皆清陽凋喪無攻痛成法唯以

固非治法近日則文

和補使營衛之行冀其少緩神甦而已。

人參

當歸

炒白芍

桂心

炙草

茯神

又

右脉濡來去瀉辛甘化陽用大建中湯。

人參

桂心

歸身

川椒

茯苓

炙草

白芍

飴糖南棗

汪勞倦陽傷形寒骨熱脉來小弱非有質滯着與和營

方。

當歸

酒炒白芍

炙草

廣皮

骨熱非宜常用桂枝

煨薑

大棗

程 脉左甚倍右。病君相上亢莫制。都因操持勞思所傷。

若不山林靜養。日藥不能却病。

鮮生地

玄參心

天冬

丹參

茯神

鮮蓮肉

顏三操持思慮。心營受病。加以勞力泄氣。痰帶血出。脉形

虛小。右部帶弦。議用歸脾湯。減桂圓木香。白朮加炒白

芍。炒麥冬。

又 勞心營液既耗。氣分之熱自灼。手足心熱。咽乾煩渴。

多是精液之損。非有餘客熱。前議歸脾加減。乃子母同

治法。今以滋清制亢之劑。理心之用。以復五液。

桑語和平切實
 字字金玉眞善
 于讀書體認之
 人依症立方必
 用補血開胃滋
 養營氣之法如
 復脈歸脾之類
 乃用麥冬湯去
 半夏徒能補血
 益脾氣已不中
 病又咳嗽而重

于虛

人參

此和平正治之法也

生地

天冬

麥冬

丹參

茯神

燈心

竹葉心

某

神傷精敗心腎不交上下交損當治其中

參朮膏米飲湯調送

華

三七春深地氣升陽氣動有奔馳飢飽卽是勞傷內經勞
 者溫之夫勞則形體震動陽氣先傷此溫字乃溫養之

義非溫熱競進之謂勞傷久不復元爲損內經有損者
 益之之文益者補益也凡補藥氣皆溫味皆甘培生生

初陽是勞損生治法則春病入秋不愈議從中治據述
 晨起未納水穀其效必甚胃藥坐鎮中宮爲宜

晨起未納水穀其效必甚胃藥坐鎮中宮爲宜

麻麥冬尤屬大
 忌與醫案全不
 照應此蓋于古
 聖人立方用藥
 之理未嘗深求
 而又無師承授
 故也集中如此
 甚多深為可惜
 今則能作此醫
 案者我目中已
 未見其人矣

金匱麥門冬湯去半夏

麥冬湯方

麥冬 半夏 人參 甘草 粳米 大棗

徐二虛損四年。肛瘍成漏。食物已減。什三形瘦。色黃。當以

甘溫培中固下。斷斷不可清熱理嗽。

人參

茯苓

山藥

炙草

芡實

蓮肉

某積勞神困。食減五心熱。汗出。是元氣虛。陰火盛。宜補

中。生脉四君子湯

楊二內損。陰及陽分。即為勞怯。胃弱少納。當以建中湯加

人參

朱二既暮身熱。汗出早涼。仍任勞辦事。食減半。色脉形肉

不足病屬內損勞怯。人參小建中湯

楊三知飢減食外寒忽熱久病行走喘促坐卧稍安此勞

傷不復議從中以益營衛

九蒸冬朮 炙甘草

煨薑

南棗

汪三此勞力傷陽之勞非酒色傷陽之勞也胃口消憊生

氣口奪豈治嗽藥可以奏功。黃芪建中湯去薑

仲三久勞內損初春已有汗出入夏食減皆身中不耐大

氣泄越右脉空大色痿黃衰極難復無却病方法議封

固一法

人參

黃芪

熟於朮

五味

寒熱總屬營衛不和止寒熱非和營衛之藥不可但益氣豈能即止方中兼用升柴亦是和營衛之品但止寒熱三字屬之益氣後人竟以為要止寒熱即當益氣不論邪之有無人參熟地為必用之藥以至害人無算皆托于此老之傳派其貽誤不小矣

嚴二脉小右弦久嗽喘熱着左眠稍適二氣已偏即是損

怯無逐邪方法清泄莫進當與甘緩黃芪建中去薑

又建中法頗安理必益氣以止寒熱

人參 黃芪 焦朮 炙草

歸身 廣皮白 煨升麻 煨柴胡

王二脉大而空亡血失精午食不運入暮反脹陰傷已及

陽位纏綿反覆至矣 歸芍異功散

劉女 年十六天癸不至頸項癭痰入夏寒熱咳嗽乃先天

稟薄生氣不來夏令發泄致病真氣不肯收藏病屬勞

怯不治 戊己湯去白朮

虛勞

卒

某陽傷背寒胃傷穀減小建中湯

某畏風面冷衛外陽微參芪建中去薑加茯苓

華二此勞法損傷不復之病已經食減便溏欲嘔腹痛二

氣交傷然後天為急捨仲景建中法都是盲醫矣

建中湯去糖加人參

納腎氣不

尹九中年衰頹身動喘嗽脉細無神食減過半乃下元不

主納氣五液蒸變粘涎未老先衰即是勞病

此方作丸凡可令人學之改煎方則成笑柄矣

人參

坎炁

紫衣胡桃

炒兔絲子

茯苓

五味

炒砂仁

山藥漿丸

金十寤則心悸步履如臨險阻子後衝氣上逆此皆高年

下焦空虛腎氣不納所致。八味丸三錢先服四日

淡菴蓉一兩河車膠一具紫石英二兩小茴五錢杞子三兩

胡桃肉二兩牛膝一兩五味一兩茯苓二兩沙苑一兩

補骨脂一兩桑椹子二兩紅棗肉丸

氣血滯升降阻

王 久客勞傷氣分痺阻則上焦清空諸竅不利初病在

氣久則入血身痛目黃食減形瘦由病患及乎元虛攻補未能除病思人身左升屬肝右降屬肺當兩和氣血使升降得宜若再延挨必瘀滯日甚結為腑聚矣

旋覆花湯加桃仁歸鬚薑皮

郁氏 失血咳嗽繼而暮熱不止經水仍來六七年已不孕

肝腎衝任皆虛

此老于補劑中
用五味極多以
其能收攝元氣
歸于下焦或收
斂肺氣不使上
逆皆歷來醫書
相傳之法其實
皆大謬也五味
專于收斂倘有
一毫風寒痰火
內外之邪用之
則永遠不出而
成痼疾故仲景
治虛方寧用牡
蠣龍骨從無五
味者其咳症之
用五味必與乾
姜同用從無獨
用者歷考自知

育乃肝腎衝任皆損。二氣不交。延為勞怯。治以攝固。包
舉其泄越。

鮮河車膠

黃柏

熟地

淡萆蓉

無謂且此病收斂不得

五味

茯神

蜜丸

此方無氣分藥則不成方矣

勞力傷脾胃

屠

二勞力傷陽。延三年。損傷延及中宮。狀如反胃。諸氣欬

斜交會失序。遂有寒熱。脫力損傷脾胃。牛屬坤土。當以

霞天膏

勞動傷經脉

朱

二奔走之勞。最傷陽氣。能食不充肌膚。四肢常自寒冷。

乃經脉之氣。不得貫串於四末。有童損之憂。

萆蓉 一兩

當歸 二兩

杞子 一兩

茯苓 二兩

乃千餘年竟無
知者而殺人無
算矣

此老治虛勞之
法不外清肺養
胃滋腎雖無大
害而毫無意義
輕者可愈重者
病日增而已至
其所遵仲景之
法又大失先賢
本旨當時仲景
之所謂虛勞者
乃虛寒之症故
其脈浮大芤遲
又方中用飴糖
乃因腹中痛而
設今日之所謂
虛勞乃陰竭而
浮火上炎脈皆

川芎 五錢

沙苑 五錢

黃鱗一條為丸

邢四努力傷身痛無力。歸桂枝湯去薑加五加皮

虛損之症。經義最詳。其名不一。考內經論五臟之損。治各不同。越人有上損從陽。下損從陰之議。其於鍼砭所莫治者。調以甘藥。金匱遵之而立建中湯。急建其中氣。俾飲食增而津血旺。以致充血生精。而復其真元之不足。但用稼穡作甘之本味。而酸辛鹹苦在所不用。蓋舍此別無良法可醫。然但能治上焦陽分之損。不足以培下焦真陰之本也。賴先生引伸三才固本。天真大造。桂枝龍骨牡蠣復脈等湯。以及固攝

細數與建中湯
正相反乃亦以
此為治此所謂
耳食之學也余
曾目睹此老治
陰虛火升之人
與建中而變喉
痺血冒者不下
數人嘗時此老
竟不悟也故附
記于此

諸方。平補足三陰法。為兼治五臟一切之虛。而大開
後人聾聵。可為損症之一助也。夫金匱又云。男子脉
大為勞。極虛亦為勞。夫脉大為氣分泄越。思慮鬱結。
心脾營損於上中。而營分萎頓。是歸脾建中養營四
君五味異功等湯之所宜也。脉極虛亦為勞。為精血
內奪。肝腎陰不自立。是六味八味天真大造三才固
本復脉等湯。以及平補足三陰固攝諸法所宜也。然
仲景以後。英賢輩出。豈無闡揚幽隱之人。而先生以
上。又豈無高明好學之輩。然欲舍仲景先生之法。而
能治虛勞者。不少概見。即如東垣丹溪輩。素稱前代

名醫其於損不肯復者每以參朮爲主有用及數斤者其意謂有形精血難復急培無形之氣爲要旨亦卽仲景建中諸湯而擴充者也又厥後張景岳以命門陰分不足是爲陰中之陰虛以左歸飲左歸丸爲主命門陽分不足者爲陰中之陽虛以右歸飲右歸丸爲主亦不外先生所用三才固本天真大造等湯以及平補足三陰固攝諸法而又別無所見也故後人稱仲景先生善治虛勞者得其旨矣

何勞謬贊

鄒滋九

久虛不復謂之損損極不復謂之勞此虛勞損三者相繼而成也參其致病之由原非一種所現之候難

以縷析大凡因煩勞傷氣者。先生用治上治中。所以有甘涼補肺胃之清津。柔劑養心脾之營液。或甘溫氣味。建立中宮。不使二炁日偏。營衛得循行之義。又因縱慾傷精者。當治下而兼治八脉。又須知填補精血。精氣之分。益火滋陰之異。或靜攝任陰。溫理奇陽之妙處。若因他症失調。蔓延而致者。當認明原委。隨其機勢而調之。揣先生之用意。以分其體質之陰陽。爲要領。上中下見症。爲着想。傳變至先後天。爲生死斷訣。若逐節推求。一一有根。茲可考。非泛泛然而湊用。幾味補藥。漫言爲治也。邵新甫